



UNIVERSITÄTS-
BIBLIOTHEK
PADERBORN

Universitätsbibliothek Paderborn

Flores Directorii Inqvisorvm

Bariola, Luigi

Mediolani, 1625

Bvllæ Apostolicæ Sancto Officio deseruientes hic nouiter additæ.

urn:nbn:de:hbz:466:1-11434

BULLÆ APOSTOLICÆ

Sancto Officio deseruientes hic
nouiter additæ.

LEO PAPA X.

*Dilecto filio nostro Hadriano tituli
Sanctorum Ioannis, & Pauli
Presbytero Cardinali.*

*Inquisitores hæreticæ prauitatis, testes falsidicos in causa
fidei deponentes, & alios de quibus agitur in hoc rescripto,
tradere possunt curiæ seculari, irregularitatis, aut alicuius
pœnæ vel censuræ Ecclesiasticæ securi.*

DILECTE fili noster, salutem, & Apo-
stolicam benedictionem.
INTELLEXIMVS, quod in Hi-
spania, cæterisque Regnis, & Dominijs
Charissimæ in Christo filiæ nostræ Ioannæ Reginae;
& Charissimi in Christo filij nostri Caroli Regis
Hispaniæ Catholicorum ditioni subiectis, in qui-
bus tu hæreticæ prauitatis Inquisitor Generalis per
Sedem Apostolicam deputatus existis, multi per-
diti ingenij homines, in testimonijs, quæ perhi-
bent super dictæ prauitatis veritate inquirenda fal-
sitate quandoque prece, precio, odio, vel amo-
re, & quandoque metu committere, aut se eam-
dem falsitatem commisisse publico, licet falso fate-
ri non

ri non verentur: sicque huiusmodi diabolice artis ministerio plerumque vel damnantur in fontes, vel Diuina Maiestatis Dei, & orthodoxa fidei sub Christiano nomine derisores veniam consequuntur. Ad quae facinora perpetranda ipsi falsi testes tam propria improbitate, & inconstantia, quam audacia, & impunita temeritate eorum, qui illos ad talia committenda minis cogunt, aut pecunia alliciunt, impelluntur. Nos igitur scelestum hoc hominum genus, qui in diuinam humanamque simul naturam conspirant, & in nefandi criminis causa, vel iniustae absolutionis, vel iniquae condemnationis actores existunt acriori longe supplicio, quam ceteri falsidici testes plecti soleant, dignum censentes: circumspectioni tuae, & Vniuersis, & singulis alijs per te, & pro tempore existentem generalem dictae prauitatis in Regnis, & dominijs praedictis Inquisitorem, ad ipsum Inquisitionis officium pro tempore deputatis, contra omnes, & singulas personas cuiusuis status, gradus, ordinis, dignitatis, & conditionis existant, quas tibi, aut alijs Inquisitionibus praedictis in crimine haeresis falsum scienter deponuisse, aut alium ad falsum deponendum, aut verum tacendum induxisse, vel quempiam ob perhibitum veritatis testimonium, vel propter falsum non attestatum occidisse, aut membro aliquo mutilasse, aut bonis suis omnibus, vel maiori parte illorum spoliasse, vel spoliari fecisse, seu atrocissima iniuria affecisse legitime constiterit, tuo aut à te deputando, seu deputandis, & subdelegandis arbitrio procedendi, & eos poenis de quibus tibi vel illi videbitur condemnandi, super quo tam, & illorum quibus negotia huiusmodi commiseris, & conscientiam oneramus absque alicuius poenae, seu censurae Ecclesiasticae

fiastica metu, aut irregularitatis nota tradendi, vel relaxandi, etiam curiæ seculari plenam, & liberam concedimus facultatem. Non obstantibus Constitutionibus, & ordinationibus Apostolicis, cæterisque contrarijs quibuscunque. Datum Romæ apud Sanctum Petrum sub annulo Piscatoris, die 14. Decembris 1518. Pontificatus nostri anno sexto. Ex Archiuio Inquisitionis Romanæ. Vide super Directorio Inquisit. par. 3. q. 73. Euangelista.

PIVS PAPA V.

Sanctissimi D. N. Pij Papæ V. præceptum, quod Principes, iudices, & iustitiæ ministri mandatis Cardinalium Inquisitorum generalium in concernentibus Officium Sanctissimæ Inquisitionis pareant: & reos quoslibet de hæresi Inquisitos, pro quibusuis alijs delictis carceratos, suspensa aliorum criminum cognitione, ad Inquisitores deferant, vt causa fidei prius cognoscatur, inde pro alijs delictis à suis Iudicibus puniantur.



Sanctissimus D. N. D. Pius diuina prouidentia Papa Quintus, statuit, decreuit, & ordinauit, ac mandauit, vt negotia fidei omnibus, & singulis alijs præferantur, cum fides sit substantia, & fundamentum Christianæ Religionis. Idcirco omnibus, & singulis alme Vrbs, eiusque districtus Governatori, Senatori, Vicario, & Camere Apostolicæ Auditori, & quibuscunque alijs Legatis, Vicelegatis, Governatoribus, Prouinciæ, & terrarum sue Sanctitati, & S. R. E. mediatè, & immediatè subiectarum, ac eorum Locatenen. officialibus,

bus, barifellis, & alijs ministris, necnon alijs locorum Ordinarijs, cæterisque Magistratibus, & officialibus, ac cuiusvis conditionis, & status hominibus in omnibus, & singulis terris, oppidis, & Ciuitatibus, ac in tota Republica Christiana existens sub excommunicationis latæ sententiæ, ac indignationis suæ Sanctitatis, & alijs arbitrio suæ Sanctitatis, & Illustrissimorum, & Reuerendissimorum Dominorum Cardinalium Inquisitorum generalium imponendis, & exequendis pœnis, vt eisdem Cardinalibus Inquisitoribus, ac eorum præceptis, & mandatis in quibuscunque officium Sanctæ Inquisitionis huiusmodi concernen. pareant, & obediant. Reges vero, Duces, Comites, Barones, & quosuis alios Principes sæculares in Dei nomine rogauit, vt eisdem Cardinalibus Inquisitoribus, eorumque officialibus faueant, auxiliumque præbeant, & à suis Magistratibus subditis auxilium præberi faciant in negotijs ad dictum officium spectan. Necnon carceratos quoscunque pro quibusuis delictis, & debitis etiam atrocibus apud dictum Inquisitionis officium quomodolibet delatos, vel denunciatos, suspensa aliorum criminum inferiorum cognitione, ad eosdem Cardinales, & Inquisitionis carceres, ibidemque ad criminis hæresis totaliter cognitionem, & expeditionem retinendos, & postea ad eosdem officiales pro aliorum criminum expeditione remittendos, sine mora transmittant.

PIVS PAPA V.

Sanctissimi D. N. D. Pij Papæ V. Constitutio contra offendentes statum, res, & personas officij Inquisitionis hæreticæ prauitatis.

Quicumque quacunq[ue] dignitate seculari decoratus Inquisitorum, aut quemlibet Sancti Officij Ministrum, aut accusatores, denunciatores, & testes in causis fidei offenderit, aut perterrefecerit; siue res quascunq[ue] Sacri Officij priuatas, aut publicas inuaserit: vel captos pro crimine hæresis liberarit, prohibuerit ne caperentur, aut occultauerit, aut deniq[ue] quocunq[ue] alio modo causis fidei nocuerit, etiam si nihil sit mali subsequutum, anathemate percussus est, & velut reus læsæ maiestatis, omni dominio, & dignitate eo ipso priuatur. Filij etiam talium infames sunt, & omni hæreditatis successione, & donationis iure, aut alia liberalitate carent. Idem penitus obseruetur in personis Ecclesiasticis, quæ si tale quid commisisse constiterit, degradentur, & curiæ seculari relinquuntur; Pontificum tamen causa Romano Pontifici reseruantur, qui pro talibus intercedit, in fautorum hæreticorum pœnas ipso facto incidit, qui hæc delicta adhuc occulta manifestauerit, supplicio liberatur; nullus ex prædictis à præfatis pœnis liberetur, nisi postquam per sex menses Pontifices Romani in Sede Petri sederint: idque precibus prius in Sancto Inquisitionis Senatu verificatis, aliter quidquid gestum fuerit, irritum est & inane. Prælati has constitutiones publicent, Principes seculares ministris Sacri Officij omne auxilium præstent, & fauorem, & sententias in reos hæresis latas exequantur.

PI V S Episcopus seruus seruorum D E I,
ad perpetuam rei memoriam.

SI de protegendis cæteris omnibus Eccle-
siae Ministris, quos in fidem, & clientelam
nostram à Domino recepimus, cura nobis
quotidiana insidet, quanto maiore studio
eam nos sollicitudinem, capescere necesse est, vt qui
in sacro Inquisitionis hæreticæ prauitatis officio ver-
santur, sub tutela inuiolatæ auctoritatis huius sedis
periculorum omnium expertes, quæque munera
ad exaltationem fidei catholicæ exequantur? Cum
itaque eius generis impiorum vis quotidie magis in-
ualescat, qui omnibus malis artib. prædictum offi-
cium subuertere, ministrosque functionibus distur-
bare moliuntur, eò iam nos detrusit necessitas, vt ne-
fariam, & scelestam illorum audaciam accerbiorè
castigationis verberè reprimamus. Hac igitur gene-
rali constitutione de Fratrum nostrorum consilio san-
cimus, vt quicumque siue cuncta Ciuitas, siue populus,
siue Dominus, Comes, Marchio, Dux, vel potiore
titulo illustris, quemuis ex Inquisitoribus, Aduoca-
tis, Procuratoribus, Notarijs, alijsque Ministris
prædicti officij, vel Episcoporum id munus in sua
Diœcesi, aut Prouincia obeuntium, seu accusatorem,
denunciatorem, aut testem in causa fidei quomodo-
cunque productum, vel euocatum occiderit, verber-
auerit, deiecerit, seu perterrefecerit, quæue Eccle-
sias, ædes, aliasue res siue publicas, siue priuatas,
officij, aut ministrorum expugnauerit, inuaserit, in-
cenderit, expilauerit, aut libros, litteras, auctori-
tates, exemplaria, regesta, protocolla, exempla,
scri-

scripturas, aliaue instrumenta, siue publica, siue
priuata vbiunque posita combusserit, diripuerit,
seu interuerterit, seu ex incendio, aut direptione,
aut alio quocunque modo illa exportauerit, seu qui
in conflagratione, expugnatione, aut direptione,
etiam inermis, siue capiendi, siue comburendi, siue
supprimendi causa fuerit, siue res aut personas serua-
ri, defendiue prohibuerit, quique carcerem, aut
aliam custodiam, seu publicam, seu priuatam effre-
gerit, vinctum extraxerit, seu emiserit, capiendum
prohibuerit, captumue eripuerit, receperit, occu-
luerit, seu facultatem effugiendi dederit, seu iusse-
rit id fieri, qui cœtum concursumue fecerit, siue vt
aliquid prædictorum fieret homines accommodaue-
rit, siue aliàs auxilium, consilium, aut fauorem pu-
blicè, vel occultè in quolibet prædictorum scienter
præstiterit, licet nemo occisus, nemo verberatus, ne-
mo extractus, emissus, vel ereptus, nihil expugnatum,
nihil effractum, succensum, direptumue, nullum deni-
que damnum re ipsa sit secutum: nihilominus is sit
anathemate præsentis Canonis auctoritate ligatus,
idem quoq; læsæ maiestatis reus, dominio, dignitate,
honore, feudo, ac quocunq; alio beneficio temporali,
& perpetuo, eo ipso priuatus, sæcularis iudicis arbi-
trio relinquatur, qui de eo illas ipsas pœnas exigat,
quæ damnatis primo capite dictæ legis per constitu-
tiones legitimas irrogantur, bonis, rebusq; omnibus
Fisci iuribus applicatis, vt etiam est de damnatis he-
reticis per sanctiones canonicas constitutum; eius
filij paterna infamia subiecti, omnis, & cuiuscun-
que hæreditatis, successionis, donationis, & lega-
ti, siue propinquorum, siue extraneorum omnino
sint expertes, eisdem præterea portæ nunquam pa-

teant dignitatum. Nemo autem expurgationem habere, aut causam ullam proponere, vel prætere possit, qui tantum nefas in contemptum, & odium huius officij admitterit, nisi contrarium per claras probationes docuerit se fecisse. Quod porrò de prædictis, eorumque filijs statuimus, illud idem de omnibus Clericis, & Presbyteris sæcularibus, & quorumvis ordinum, etiam exemptorum Regularibus, & quacunquæ etiam Episcopali, & maiori dignitate præditis, ac etiam priuilegio quomodocunquæ suffultis, decernimus exequendum, ita ut ipsi beneficijs, & officijs omnibus Ecclesiasticis, præsentium auctoritate priuati, per iudicem Ecclesiasticum, hæreticorum more degradentur, demum potestati sæculari traditi, pœnis prædictis laicorum instar subijciantur: Pontificum tamen causis nobis, & successoribus nostris reseruatis, vt requeſita, & nobis renunciata, contra eos ad depositionem, & alias pœnas prædictas procedamus, vt criminis atrocitas videbitur postulare. Quicunque autem pro talibus veniam petere, aut aliàs intercedere tentauerint, in easdem illas pœnas, quæ in hæreticorum fautores, à sacris Constitutionibus inferuntur, ipso facto se nouerint, incidisse. Verum si quis etiam huiusmodi criminum conscius, vel affinis, siue religionis studio, siue penitentia ductus rem adhuc incognitam retexit, supplicio liberetur. Ceterum eam omnium, & quarumcunquæ absolutionum rationem à prædictis criminibus, necnon habilitationum, & restitutionem etiam ad famam, & honores, ita deinceps habendam optamus, vt successores nostri nullas nisi saltem semestri post cuiusque assumptionem ad huius dignitatis fastigium excusso, ac precibus apud supremum Officium Inquisitionis

tionis hic institutum verificatis, concedant. Decernentes omnes, & quascunque huiusmodi absolutiones, habilitationes, & restitutiones, quę precibus sic non verificatis de cetero fient, nemini profus prodesse, sed nec presentibus, nisi toto ipsarum tenore ad verbum inserto, & gratia ex certa Romani Pontificis scientia facta, & propria manu subscripta, vlla in parte derogari, nec derogatum censeferi debere, & si illis ex quacunque causa aliter derogari contigerit, derogationes huiusmodi nullius profus fore roboris, & momenti. Iubemus igitur vniuersos, & singulos Patriarchas, Primate, Archiepiscopos, Episcopos, & ceteros Ecclesiarum Prelatos per vniuersum orbem constitutos, vt per se, vel alium, seu alios presentes litteras, aut earum exempla in suis quisque Prouincijs, Ciuitatibus, Diocesibus, & locis solemniter publicare, & quantum in se est, firmiter obseruari procurent, contradictores quoscunque per censuras, & pœnas Ecclesiasticas, appellatione postposita, compescendo, ipsasque censuras, & pœnas etiam iteratis vicibus aggrauando, inuocato etiam ad hoc, si opus fuerit, auxilio brachij seularis. Non obstantibus constitutionibus, & ordinationibus Apostolicis, ceterisque contrarijs quibuscunque. Volumus autem, vt presentium exempla etiam impressa edantur, eaque Notarij publici manu, & cuiuscunq; curię Ecclesiasticę, vel Prelati sigillo obfirmata, eandem illam profus fidem vbique locorum faciant, quam ipse presentes facerent, si essent exhibite, vel ostense. Ceterum omnes orbis terrarum Principes, quibus gladij seularis potestas ad malorũ vindictã est permessa, per eã quã se tueri promiserũt fidẽ, obtestamur, ita suas quisque par

tes siue in prestando ministris prædictis auxilio, siue in criminum post Ecclesiæ sententiam animaduersione, interponere, vt eorum quoque præsidij ministri ipsi tanti officij munus pro Dei æterni gloria, & religionis incremento feliciter exequantur, amplissimum à Domino præmium recepturi, quod fidei prædictæ assertoribus in æternæ beatitudinis consortio præparauit. Nulli ergo omnino hominum liceat hanc paginam nostræ sanctionis, legationis, statuti, decreti, iussionis, obtestationis, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri, & Pauli Apostolorum eius, se nouerit incursum. Datum Romæ apud Sanctum Petrum, anno Incarnationis Dominicæ, Millesimo, quingentesimo, sexagesimo nono, Cal. Aprilis, Pontificatus nostri anno quarto.

Ego Pius V. Catholicæ Ecclesiæ Episcopus.

- † *F. Cardinalis Pisanus Episcopus Hostien.*
- † *Io. Card. Moronus Episcopus Portuen.*
- † *Christoph. Madrucus Episcopus Prænest.*
- † *Otho Card. Truchses Episcopus Albanen.*
- † *A. Card. Farn. Vicecan. Episcopus Tusc.*
- † *Io. Bapt. Cicada Episcopus Sab. Card. S. Clem.*
- † *Ego Iulius Cardinalis Vrbinus.*
- † *Ego Fuluius Cardinalis Perusin.*
- † *Ego Io. Riccius Card. Politianus.*
- † *Ego Scipio Card. Pisarum.*
- † *Ego Iacobus Card. Sabellus.*
- † *Ego Aloysius Card. Cornelius.*
- † *Ego Ph. Cardin. a Burdisera.*

Ego

Bulle Apostolica.

438

- † Ego Antonius Card. Granuellanus.
† Ego Franciscus Card. Paciecus.
†
† Ego Hieronymus Card. de Corrigio.
† Ego Io. Franciscus Card. de Gambera.
† Ego Nicolaus Card. de Sermoneta.
† Ego Ianic. de Aualos Card. de Aragonia.
† Ego M. Antonius Card. Columna.
† Ego Ptolomæus Card. Comensis.
† Ego P. Card. de sancta Cruce.
† Ego Z. Card. Delphinus.
† Ego Hu. Card. S. Sixti.
†
† Ego Alexander Card. Cribellus.
† Ego Guido Card. Vercellus.
† Ego Guilielmus Card. Sirletus.
† Ego F. Michael B. Card. Ale. Cam.
† Ego Hieronymus Card. de Carualle.
† Ego Ludouicus Card. Madrucijs.
† Ego Innoc. Card. de Monte.
† Ego Hieronymus Card. Simoncellus.
†
† Ego Ferd. Card. de Medicis.
† F. Cardinalis Alciatus.
† Io. Paulus Cardinalis ab Ecclesia.
† A. Cardinalis Carafa.

Anno à Natiuitate Domini, Millesimo, quingentesimo,
sexagesimonono, Indictione duodecima, die vero secunda
mensis Maij, Pontificatus Sanctiss. in Christo Patris, & D.
N. D. Pij, diuina prouidentia Papa V. Anno quarto, re-
troscriptæ litteræ Apostolicæ, lectæ, affixæ, & publicatæ
fuerunt ad Valuas Basilicæ Principis Apostolorum de Vr-
be, Sancellariæ Apostolicæ, ac in Acie Campi Floræ, vñ

est moris, dimissis in locis præfatis præsentibus literis per aliquantulum temporis spatium affixis, & deinde amotis per nos Iulium Parinum, & Ioannem Bornotum prælibatæ S. D. N. Papæ Cursores. Ex Bullario Pij Quinti Romæ impresso.

Locus signi. Vtinam dirigantur viæ meæ ad custodiendas iustificationes tuas.

Ant. Clerici Mag. Curs.

BVLLA GREGORII XIII.

Contra Missas celebrantes, confessiones audientes, & absolutionem impertientes, nec tamen sacris Ordinibus insignitos.



REGORIVS Papa XIII. ad perpetuam rei memoriam, officij nostri partes sedulo prestare tenemur, vt dubia, quæ varijs Doctorum opinionibus hinc inde diuersa sentientibus agitantur, ea ad iurisdictionem Sanctissimi Officij Inquisitionis hereticæ prauitatis pertinent, nostræ declarationis oraculo (prout ratio ipsa suadere videtur) dilucidentur, vt nulla cuiquam dubitandi occasio in posterum relinquatur; ad aures nostras siquidem nuper peruenit, multos esse qui dubitent, an contra eos qui in sacro Presbyteratus ordine non constituti, Missas celebrare, confessiones audire, ac absolu-

solationem impartiri, aut si fuerint per officium Sanctissime Inquisitionis hereticę prauitatis in Hispaniarum Regnis institutum, & illius Inquisitores procedendum, vel etiam animaduertendum sit, ac hi, qui talia patrauerint, per Inquisitores predictos puniri debeant. Nam etsi multorum sententia affirmetur predictum delictum ab Inquisitoribus plectendum esse, hisce presertim temporibus, quibus heretici temere audent proferre, vel seculares eorum Sacramentorum ministros esse posse, non desunt tamen hi, qui contrarię adherent opinioni, vnde plerumque per eorundem regnorum Inquisitores diuersę feruntur in huiusmodi causis suffragia. Nos itaque (vt omnis difficultas dubitatioq; tollatur, animaduertentes eos, qui presbyteratus ordine, non sunt insigniti, & se in administrandis dictis Sacramentis ingerunt, facto Catholicam veritatem impugnare, quę solos Presbyteros, Ministros eorundem Sacramentorum constituendo illos duntaxat, quibus eadem munera congruere existimauit, committi voluit, eorum qui in presbyteratus ordine non constituti Missas celebrant, ac confessiones audiunt) vt presertur, cognitionem, & punitionem etiam ad Inquisitionum officium, & Inquisitores antedictos pertinere, ita eiusmodi delicti ratione, aduersus eos inquirere, procedere, ac culpabiles repertos punire, officium, & Inquisitores predicti, valeant Apostolica autoritate presentium tenore perpetuò declaramus, & diffinimus, & ita ab omnibus, & singulis ordinarijs, & delegatis Iudicibus sublata eis, & eorum cuilibet, quauis aliter iudicandi, & interpretandi facultate, iudicari ac definiri debere, irritum quoque, & inane, si secus super hoc à quoquam, quauis autoritate scienter,

vel ignoranter contigerit attentari, decernimus. Non obstantibus constitutionibus, & ordinationibus Apostolicis, nec non iuribus municipalibus legibus Regnorum prædictorum, pragmaticisque sanctionibus, ac statutis, & consuetudinibus Ciuitatum, & locorum quorumcûq; dictorum Regnorum etiam iuramento confirmatione Apostolica, vel quauis firmitate alia roboratis, priuilegijs quoque indultis, & literis Apostolicis forsitan per nos, ac quoscunque alios Romanos Pontifices, prædecessores nostros sub quibusuis verborum formis, & insolitis clausulis irritantibusque, & alijs decretis, etiam motu proprio, & ex certa scientia, seu de Apostolicæ potestatis plenitudine, vel ad supplicationem Regum, Ducum, & aliorum Principum concessis, & confirmatis, quibus omnibus illorum tenores præsentibus, pro expressis habentes illis in suo robore permansuris, hac vice duntaxat specialiter, & expressè derogamus, cæterisque contrarijs quibuscunque. Datum Romæ apud Sanctum Marcum sub annulo piscatoris, die sexto Augusti, millesimo quingentesimo septuagesimo quarto, Anno à natiuitate Domini, Pontificatus nostri anno tertio.

Emmanuel Rodriquez quæstionum Regularium, tomo 2. quæst. 28. articulo 2.

BVLLA

BVLLA CLEMENTIS VIII.

*Contra Missas celebrare vsurpantes, &
Sacramentum Pœnitentiæ ministrare
presumentes cum Sacerdotes
non sint.*

H T si aliàs fel. rec. Paulus Papà IV. prædecessor noster ad nefariam, & sacrilegam quorundam hominum temeritatem coercendam, qui cum ad sacrum presbyteratus ordinem minime promoti sint, Sacerdotis tamen auctoritatem sibi temere assumentes, Missarum celebrationem vsurpare, & Sacramentum Pœnitentiæ ministrare præsumunt decreuerit huiusmodi delinquentes à Sanctæ Inquisitionis Iudicibus tradi debere curiæ sæculari, debita animaduersione puniendos, & postea rec. mem. Sixtus Papa V. etiam prædecessor noster prædictum Pauli Papæ Quarti decretum innouari, ac serio obseruari mandauerit, eo tamen dictorum hominum prorupit audacia, vt prætextu ignorantie huiusmodi decretorum, ac pœnarum contra ipsos, vt præfertur, inflictarum, illis se minimè subiacere, & obnoxios esse putent, ac propterea se ab eisdem liberari, & absolui posse prætendant. Nos igitur animaduertentes huiusmodi perditos, & nefarios homines ad sacrum Presbyteratus ordinem non promotos Missarum celebrationem vsurpare, presumentes, non solum actus idololatriæ saltem extrinsecè, seu per externa, & visibilia Religionis, & pietatis signa exercere, sed etiam quantum in
ipsis

ipsis est efficere, vt Christifideles, qui credunt eos ordinatos esse, & ritè conficere Sacramentum Eucharistiæ, idololatriæ crimen ignoranter incurrant, purum videlicet Panem, & Vinum tanquam verum Christi Domini nostri Corpus, & Sanguinem eisdem adorandum proponentes. Confessiones autem audientes, non solum Sacramenti Pœnitentiæ dignitatem contemnerent, verumetiam Christifideles decipere, dum scilicet iniquè sibi assumunt gradum Sacerdotalem, & auctoritatem absoluendi à peccatis, magno cum periculo, & scandalo plurimorum; Propterea, vt grauissima hæc scelera committentes, post hac debito supplicio puniantur; Motu proprio, & ex certa nostra scientia, ac matura deliberatione, deq; Apostolicæ potestatis plenitudine S. Inquisitionis Iudicium conscientia consulere, & ne in futurum de pœna hisce delinquentibus imponenda dubitari possit prouidere volentes, supradictorum prædecessorum nostrorum vestigijs inherentes, hac perpetuo valitura Constitutione decernimus, atque statuimus, vt quicumque non promotus ad sacrum Presbyteratus ordinem repertus fuerit Missarum celebrationem vsurpasse, vel Sacramentalem confessionem audiuisse à Iudicibus Sanctæ Inquisitionis, vel locorum Ordinarijs tanquam Ecclesiæ misericordia indignus à foro Ecclesiastico abijciatur, & ab ordinibus Ecclesiasticis, si quos habuerit, ritè degradatus, statim Curia seculari tradatur per Iudices seculares debitis pœnis plectendus. Non obstantibus Constitutionibus, & ordinationibus Apostolicis, ac in Concilijs, etiam generalibus editis, etiam in corpore iuris clausis: Quibus omnibus, & singulis illarum tenores pro sufficienter expressis, & ad verbum insertis habentes, specialiter, & expressè derogamus,

gamus, cæterisque contrarijs quibuscunque. Ut autem huiusmodi Constitutionis ignorantia de cætero allegari, aut prætendi nunquam possit, atque ut præsentibus literæ omnibus innotescant, volumus illas ad valvas S. Ioannis Lateranen. & Principis Apostolorum de Vrbe Basilicarum, & Acie Campi Floræ more solito publicari, & affligi, atque ijs inde amoris earundem exempla, etiam impressa ibi affixa relinqui, factaque huiusmodi publicatione omnes, qui in Vrbe post mensem, qui verò extra eam, & citra Montes, post quatuor menses, qui demum ultra Montes fuerint post decem menses à die publicationis præsentium computandos afficere, & arctare, ac si eorum cuilibet personaliter intimatæ fuissent. Ac præterea mandamus earundem præsentium literarum exemplis etiam impressis, & manu Notarij publici subscriptis, & sigillo Officij Sanctæ Romanæ Inquisitionis, vel alicuius personæ in dignitate Ecclesiastica constitutæ munitis, eandem prorsus fidem haberi, quæ hisce præsentibus haberetur, si forent exhibitæ, vel ostensæ. Dat. Romæ apud Sanctum Petrum sub annulo Piscatoris, Die prima Decembris 1601. Pontificatus nostri Anno Decimo.

Stephanus Quaranta in Summa Bullarij verbo Ordo.

S. D. N. D.

C L E M E N T I S

Diuina prouidentia Papæ VIII.

*Innouatio Constitutionis fel. rec. Pauli Papæ IV. contra
negantes Trinitatem, aut Diuinitatem I E S U
CHRISTI, aut eius Conceptionem de Spiritu
Sancto, aut eius mortem, vt nos redimeret,
aut Virginitatem Beatissimæ semper
Virginis DEI Genitricis
M A R I A E.*

Adiecta forma in publicatione eiusdem Constitutio-
nis seruanda, ne de cætero illius ignorantia à
quoquam quouis prætextu possit allegari.

CLEMENS PAPA VIII.

Ad perpetuam rei memoriam.

DOMINICI gregis Diuina Prouidentia
nobis, licet meritis imparibus commis-
si, sollicitudo postulat, vt Romanorum
Pontificum prædecessorum nostrorum Con-
stitutiones, quæ præsertim ad fidei Catholicæ inte-
gritatem conseruandam, & impios homines, ac pra-
uarum heresum assertores debitis pœnis plecten-
dos pertinent, innouemus; ne qui eiusmodi errorum
labe infecti sunt earundem Constitutionum, & pe-
narum in eis inflictarum ignorationem yllo modo
pretendere, aut quauis ratione excusare se posse
pre-

presumant. Cum itaque fel. rec. Paulus Papa IV. Predecessor noster, ad quorundam hominum iniquitatem coercendam, qui non solum diuersas hereses profiteri, sed etiam ipsius fidei fundamenta negare presumebant, suoque exemplo multos in interitum anime trahebant, quadam sua perpetuò valitura Constitutione, quę incipit, Cum quorundam hominum prauitas, vt huiusmodi homines à suis erroribus intra certum eis tunc prefixum tempus resipiscerent paterna monitione, & requisitione, necnon cum ipsorum resipiscentium à quibuscunque censuris, & penis Ecclesiasticis, & temporalibus plenissima absolute fanciauerit, vt quicumque tam eatenus lapsi fuissent, & intra tempus prefixum non resipuissent, quàm qui in posterum prolaberentur in hos errores, aut eorum aliquem, qui nimirum asseruissent, dogmatizassent, vel credissent Deum Omnipotentem, non esse Trinum in personis, & in composita omnino, indiuisaque vnitae substantię, & vnum vnacumque simplici Diuinitatis essentia, aut Dominum Nostrum Iesum Christum non esse verum Deum eiusdem substantię per omnia cum Patre, & Spiritu Sancto, aut eundem secundum carnem non esse conceptum in vtero Beatissimę, semperque Virginis Marię de Spiritu Sancto, sed sicut ceteros homines ex semine Ioseph, aut eundem Dominum, & Deum Nostrum Iesum Christum nõ subijisse accerbissimam Crucis mortem, vt nos à peccatis, & ab æterna morte redimeret, & Patri ad vitam æternam reconciliaret, aut eandem Beatissimam Virginem Mariam non esse veram Dei Matrem, nec perstitisse semper in Virginitatis integritate ante partum scilicet, in partu, & perpetuo post partum, pro subuersis, & relapsis
in

in hæresim haberi, & vt relapsi Curiaë seculari tradi,
 & per ipsam Curiam debitæ pœnis in relapsos statutis
 puniri possent in omnibus, & per omnia perinde, ac si
 verè, & realiter in hæresim relapsi essent, & eos relap-
 sos esse constaret, prout in prædicta Constitutione sub
 Datum Romæ apud Sanctum Marcum septimo Idus
 Augusti, Pontificatus sui anno primo edita plenius
 continetur: Eò tamen huiusmodi impiorum homi-
 num prorupit temeritas, vt prætextu ignorationis hu-
 iusmodi constitutionis, ac pœnarum in eadem consti-
 tutione inflictarum, se illis minimè subiacere, nec ob-
 noxios esse putent, ac propterea se ab eisdem pœnis
 liberari, & absolui posse prædant. Nos igitur ani-
 maduertentes (vt idem quoque Paulus prædecessor
 benè animaduertit) huiusmodi errores, tam graues,
 ac nefandos existere, vt illi qui in eos incidunt, nullam
 prorsus excusationem habeant, sed subuersi potius, &
 immanes, quàm heretici meritò dici possint, prop-
 terea, vt illi debita animaduersione omninò punian-
 tur, nec à præfatis erroribus vlla excusatione de-
 cetero se tueri valeant, Motu proprio, & ex certa
 scientia, ac matura deliberatione nostra, deque
 Apostolicæ potestatis plenitudine, hac nostra per-
 petuò valitura constitutione, dicti Pauli prædeces-
 soris vestigijs inherentes, ac eius constitutionem
 prædictam quoad pœnas in ea contentas innouan-
 tes, ac perpetuò confirmantes, & approbantes,
 supradictos omnes, & singulos, qui hætenus in simi-
 les errores, aut eorum aliquem lapsi sunt, aut in po-
 steriorum prolabantur, attenta dictorum errorum gra-
 uitate, & enormitate, cuiuscunque dignitatis, gra-
 dus, ordinis, vel conditionis existant, nulla illis
 etiam ignorantie supradictæ constitutionis excusa-
 tione

tionem suffragante, pro subuersis, & relapsis in hæresim haberi, & tanquam relapsos Curiaë seculari tradi, ac per eandem Curiam debitis pœnis in relapsos statutis puniri posse, auctoritate Apostolica tenore præsentium perpetuò statuimus. Non obstantibus omnibus illis, quæ prædictus Paulus prædecessor voluit non obstare, cæterisque contrarijs quibuscunque. Ut autem huiusmodi constitutionis ignorantia de cætero allegari, aut prætendi nunquam possit, atque ut præsentibus omnibus innotescant, volumus illas ad valuas Ecclesiæ Lateranensis, & Basilicæ Principis Apostolorum, & in Acie Campi Floræ, more solito publicari, & affigi, atque ijs inde amotis earundem exempla, etiam impressa, ibi affixa relinqui, factaque publicatione huiusmodi, omnes qui in Vrbe post mensem, qui verò extra eam, & citra montes, post quatuor menses, & qui demum ultra montes fuerint, post decem menses à die publicationis huiusmodi computandos, perinde afficere, & arctare, ac si eorum cuilibet personaliter intimatæ fuissent. Et nihilominus, ut ipsæ præsentibus literæ eo notiores fiant, & omnibus magis innotescant, necnon pro potiori cautela volumus, ut Inquisitores contra hæreticam prauitatem, in ijs Ciuitatibus, Terris, & locis in quibus constituti sunt, vbi vero huiusmodi Inquisitores non sunt locorum Ordinarij publicationem præsentium, ut infra dicetur, fieri curent, ac propterea vniuersis, & singulis Venerabilibus fratribus Patriarchis, Primatibus, Archiepiscopis, Episcopis, & alijs locorum Ordinarijs, necnon dilectis filijs Inquisitoribus præfatis contra hæreticam prauitatem vbilibet constitutis, per easdem præsentibus committimus, & in virtute sanctæ Obedientiæ districtè præcipiendo manda-

mus, vt per se, vel alium, seu alios hasce nostras literas; postquam earum exemplum receperint, seu earum notitiam habuerint, semel, aut pluries prout eis magis expedire visum fuerit, ipsi quidem Patriarchæ, Primates, Archiepiscopi, Episcopi, & alij locorum Ordinarij in eorum Cathedralibus, & maioribus respectiuè Ecclesijs Ciuitatum, Oppidorum, & locorum quorumcunque eorum Diocesum, vbi Inquisitores non fuerint, vbi verò Inquisitores fuerint, ipsimet Inquisitores in eisdem Ecclesijs, dum in eis maior populi multitudo ad diuina conuenerit, solemniter publicent, & publicari auctoritate nostra mandent, & faciant. Cæterum, quia difficile foret eadem præsentem ad singula loca, vbi opus esset deferri, volumus, & simili auctoritate decernimus, vt earum transumptis, etiam impressis, manu alicuius Notarij publici subscriptis, & sigillo alicuius Inquisitoris contra hæreticam prauitatem, vel cuiuscunque personæ in dignitate Ecclesiastica constitutæ munitis, eadem vbique in Iudicio, & extra, fides habeatur, quæ ipsimet literis haberetur, si essent exhibitæ, vel ostensæ. Datum Romæ apud Sanctum Petrum sub Annulo Piscatoris, Die 3. Februarij 1603. Pontificatus nostri Anno Vndecimo.

M. Vestrius Barbianus.

In Nomine Domini Amen. Anno à Natiuitate eiusdem Domini Nostri Iesu Christi, Millesimo sexcentesimo tertio, Indiëione prima, Die verò decimaquarta Mensis Februarij, Pontificatus Sanctissimi in Christo Patris, & D. N. D. Clementis Diuina prouidentia Papa Octauj, Anno eius Duodecimo; Retroscriptæ literæ affixæ, & publicatæ fuerunt

fuere ad Valvas Ecclesie Sancti Ioannis Lateranensis, Basilicæ Principis Apostolorum de Vrbe, & Aciæ Campi Floræ, relictis ibidem copijs impressis affixis per nos Augustinum Braccherium, & Catherinum Menandi Apostolicos Cursores.

P. Aloysius Peregrinus Mag. Curs.

DECRETVM

CLEMENTIS PAPÆ VIII.

Quo confirmantur literæ Pauli Papæ IV.

& Pij IV. contra Confessarios sollicitantes pœnitentes in Confessionibus.



Nomine Domini Amen. Per hoc presens publicum decreti instrumentum cunctis pateat euidenter, & sit notum, quod in generali Congregatione Officij Sanctæ Romanæ, & Vniuersalis Inquisitionis habita coram Sanctissimo Domino Nostro D. Clemente Papa VIII. ac Illustrissimorum, ac Reuerendiss. D. D. Iulio Antonio Sanctorio Sancti Bartholomæi in Insula Sanctæ Seuerinæ. Petro Sancti Hieronymi Illyricorum Deza. Dominico S. Chrysoftomi, Pinello: fratre Hieronymo Bernerio Sanctæ Mariæ, supra Mineruam Asculano: Fratre Costantio. Sancti Petri, in Monte Aureo Sernano: & Paulo Sanctæ Cœciliæ Sfondrato nuncupatis, Titulorum Præsbyteris Sanctæ Romanæ Ecclesie Cardinalibus, in vniuersa Republica Christiana, ad-

uersus hæreticam prauitatem Generalibus Inquisitionibus. In negotio Sanctæ Inquisitionis Hispaniarum, super literis fel. rec. Pauli Papæ IV. & Pij Papæ IV. facultatis procedendi contra Præsbyteros sæculares, & Regulares in Sacramentis pœnitentiæ, seu in actu Confessionis Sacramentalis, sollicitantes mulieres pœnitentes ad impudicitiam, seu peccata carnis, Inquisitioni Generali Hispaniarum, aliàs concessæ, an priuatè, vel cumulatiuè quò ad Superiores Regularium dicta Inquisitio, contra huiusmodi delinquentes procedere possint. Sanctissimus Dominus noster re diligenter, ac maturè discussa auctoritate sua Apostolica, declarauit, & decreuit, declarat, & decernit circa huiusmodi facultatem procedendi nihil esse attendendum, aut innouandum, sed Inquisitionem prædictam, in omnibus Regnis, & Prouincijs sibi subiectis ea iudicialiter uti posse, & debere, sicut in alijs causis ad sanctiss. Inquisitionis Officium pertinentibus, uti hætenus fecit etiam priuatiuè quoad superiores Regularium cuiusuis Ordinis, & Congregationis, etiamsi Mendicantium existant, ipsosque Regulares non eximi ab onere deferendi, seu denuntiandi huiusmodi delinquentes eidem Sancto Officio, quemadmodum in alijs casibus, & causis Sanctæ Inquisitionis, in quibus alij Christifideles de iure tenentur, sed ad ipsum sicut aliàs teneri, & obligatos esse. Et ita Sanctitas sua declarauit, & decreuit, atq; perpetuò seruandum esse statuit omni meliori modo, & forma quibus potuit, potestque, & debet, latum, datum, & pronunciatum fuit supradictum Decretum, per supradictum Sanctissimum Dominum nostrum D. Clementem Papam VIII. pro tribunali sedentem in solio maiestatis suæ, in
Gene-

Generali Congregatione dicti Sancti Officij, habita
Romæ in Palatio Apostolico apud Sanctum Petrum,
anno à Natiuitate Domini nostri Iesu Christi 1592.
die verò tertio mensis Decembris feria 5. Pontifica-
tus Prælibati D. N. Clementis diuina prouidentia
Papæ VIII. Anno primo, ibidem præsentibus Reue-
rendissimo Patre Fratre Vincentio, Ordinis Fratrum
Prædicatorum Episcopo Agnetino: & Reuerendissi-
mo Patre D. Anselmo Dandino Cæsenatensi, I. V. D.
vtriusq; signaturę eiusdem Sanctissimi D. N. Papę Re-
ferendario, dictique Sancti Officij Prælatis, & Consul-
toribus testibus, ad prædicta omnia, & singula voca-
tis, habitis, specialiter, atque rogatis.

Ex Ludouico Paramo de Origine sancti Officij,
quęst. 10. de Solicitantibus, prope finem & c.

S. D. Nostri

PAVLI PAPÆ V.

*Constitutio, quæ reuocantur facultates Superioribus quo-
rumcunque Ordinum concessæ, cognoscendi causas
suorum subditorum, ad Officium Sanctæ
Inquisitionis pertinentes.*

PAVLVS Episcopus seruus seruorum DEI.

Ad perpetuam rei memoriam.

ROMANVS Pontifex, ea interdum quę
à prædecessoribus suis temporum, & re-
rum qualitate id tunc exposcente prou-
idè pro heresum extirpatione sancita sunt,
nouis emergentibus rationibus reuocat, & immu-

Ff 3 tat,

tat, aliaque desuper disponit, & ordinat, prout in
 Domino salubriter conspicit expedire. Dudum si-
 quidem fel. rec. Pius Papa IV. prædecessor noster, sua
 perpetuo valitura Constitutione, statuit, ordinavit, &
 declaravit, quòd ex tunc deinceps in omnibus Chri-
 stiani Orbis partibus Inquisitores hæreticæ prauita-
 tis, tam generales, quam in quibusvis Prouincijs,
 Ciuitatibus, Oppidis, Terris, & Locis pro tempore
 deputati particulares, contra omnes quorumcunq;
 Ordinum etiam exemptorum, etiam Mendicantium
 professores, & Religiosos, ac etiam alios quoscumque
 quouis modo privilegiatos, & exemptos de hæresis
 crimine quomodolibet suspectos, aut culpabiles, dum-
 modo ab eorundem professorum, & Religiosorum
 Superioribus, vel Prælati in causis huiusmodi præ-
 uenti non fuissent, iuxta facultates officij Inquisitio-
 nis ipsius prauitatis inquirere, & procedere, ac culpa-
 biles, & delinquentes repertos secundum Canonicas
 sanctiones castigare, atque punire possent, & valerent,
 ac alias prout in literis ipsius Pij Prædecessoris latius
 continetur. Cum autem rerum vsu compertum sit,
 occasione præuentionum huiusmodi nonnulla inter-
 dum impedimenta orta esse, quo minus causæ hu-
 iusmodi ea, qua decet diligentia cognoscantur.
 Nos de consilio Venerabilium Fratrum nostrorum
 S. R. E. Cardinalium, contra hæreticam prauitatem
 generalium Inquisitorum illa de medio tollere vo-
 lentes. Motu proprio, & ex certa scientia nostra,
 ac matura deliberatione, hac nostra etiam perpe-
 tuo valitura Constitutione omnia, & quæcunque
 privilegia, indulta, facultates, & concessionem Ge-
 neralibus, Superioribus, & Prælati quorumcunq;
 Ordinum, siue Mendicantium, siue Clericorum Re-
 gularium

gularium cuiusvis ordinis, & instituti, etiam in dicta Constitutione non expressorum, & quantumvis exemptorum, & quocumque nomine nuncupentur per dictum Pium, ac quoscunque Rom. Pont. Prædecessores nostros, & Sedem Apostolicam concessa, approbata, & innouata, & quantumvis, etiam longissimo tempore obseruata, causas ad dictum officium quouis modo spectantes cognoscendi, & terminandi, seu in illis quoquomodo se intromittendi, quorum omnium, & singulorum tenores, etiam si de illis specialis, & expressa mentio habenda esset præsentibus pro plenè, & sufficienter expressis, & insertis habentes, Apostolica auctoritate tenore præsentium perpetuo cassamus, reuocamus, & abolemus, ipsisque Generalibus, Superioribus, & Prælatibus, vt de cætero quouis quæsito colore, vel prætextu præuentionis, vel consuetudinis, & præscriptionis immemorabilis, seu cognoscendi, an delationes huiusmodi calumniosæ sint, necne, in eisdem causis, tam motis, quam mouendis quoquomodo se intromittere, seu immiscere, denunciations recipere, testes examinare, processus conficere, causas ipsas cognoscere, definire, vel terminare minimè audeant, seu præsumant, simili auctoritate districtius inhibemus, volentes, & expressè mandantes, vt ipsi Religiosi possint, & debeant omnes, etiam Ordinum huiusmodi professores, de hæresi suspectos Inquisitoribus, vel Ordinarijs locorum vicinioribus liberè denunciare, absque eo, quod Superiores prædicti personas denunciandas, & causas perquirere, vel quoquomodo id impedire, vel retardare audeant, seu præsumant. Insuper omnes, & quascunque causas ad dictum officium quomodolibet spectantes, & pertinentes coram

Generalibus Superioribus, & Prælatibus huiusmodi in quibuscunque locis existentibus, ac contra quoscunque Religiosos, vt præfertur, exemptos motas, & pendentes ad nos harum serie auocamus, easque omnes in statu, & terminis, in quibus de præfenti reperiuntur ipsius prauitatis Inquisitoribus, vel Ordinarijs locorum vicinioribus terminandas committimus. Præterea ipsis Generalibus Superioribus, & Prælatibus pari auctoritate præcipimus atque mandamus, vt omnes processus, & acta causarum huiusmodi Inquisitoribus, seu Ordinarijs prædictis respectiuè remittant, & consignent; necnon Professores, Fratres, & Religiosos supradictos, quos hæresis labe infectos, vel suspectos, etiam in visitatione esse nouerint, absque alia consultatione cum proprijs Superioribus facienda, eisdem Inquisitoribus, vel Ordinarijs locorum vicinioribus respectiuè denuntient; quod si Generales, alijque prædicti præsentibus literis non paruerint, eos omnes priuationis quarumcumq; dignitatum, seu prælaturarum, vel officiorum suorum ordinum, ac vocis actiuæ, & passiuæ, perpetuæq; inhabilitatis ad easdem, necnon contra fautores hæreticorum, & impeditores officij statutas, & inflictas penas, aliasque censuras Ecclesiasticas, etiam excommunicationis maioris latæ sententiæ, à qua non nisi à Nobis, vel à Romano Pontifice pro tempore existente, præterquam in mortis articulo absolutionis beneficium valeant obtinere, eo ipso incurrisse, necnon præfentes literas licet Generales Superiores, & Prælati prædicti, aut quicumque alij, quauis auctoritate, dignitate, vel officio, seu honore fulgentes in præmissis quomodolibet interesse habentes, vel habere prætendentes ad hoc vocati non fuerint, semper,

per, & perpetuo validas, & efficaces existere, suosque plenarios, & integros effectus sortiri, & obtinere, ac ab omnibus inuiolabiliter obseruari, sicq; per quoscumque Iudices, & Commissarios quauis auctoritate fulgentes, etiam sanctæ Romanæ Ecclesiæ Cardinales sublata eis, & eorum cuilibet quauis aliter iudicandi, & interpretandi facultate, & auctoritate, iudicari, & definiri debere; irritum quoque, & inane, si secus super his à quoquam quauis auctoritate scienter, vel ignoranter contigerit attentari decernimus, & declaramus. Non obstant prædicta, ac quibusuis alijs Constitutionibus, & Ordinationibus Apostolicis, necnon Ordinum, & institutorum quorumcumque iuramento confirmatione Apostolica, vel quauis firmitate alia roboratis, statutis, & consuetudinibus, priuilegijs quoque, indultis, & literis Apostolicis, etiam Mare magnum, vel alias quomodolibet nuncupatis eisdem ordinibus, eorumque Generalibus, Superioribus, & Prælatibus, ac personis, etiam per quoscumq; Romanos Pontifices Prædecessores nostros, ac Sedem prædictam, & per nos quouis modo concessis, confirmatis, & iteratis vicibus approbatis, & innouatis, quibus, ac alijs omnibus, quæ presentibus quomodolibet obstare possent, etiamsi de illis, eorumque totis tenoribus specialis, specifica, & expressa, ac indiuidua, & de verbo ad verbum, non autem per clausulas generales idem importantes mentio, seu quæuis alia expressio habenda, aut aliqua alia exquisita forma ad hoc seruanda foret, eorum tenores pro plenè, & sufficienter presentibus expressis, & totaliter insertis habentes, illis alijs in suo robore permansuris, hæc vice dumtaxat specialiter, & expressè derogamus, ceterisque contrarijs

trarijs

trarijs quibuscumque. Vt autem presentes literæ ad omnium notitiam deducantur, neue aliquis ignorantiam earum pretendere, aut contra eas se excusare valeat, illas in Valuas S. Io. Lateran. & Principis Apostolorum Basilicarum de Vrbe, necnon Cancellariæ Apostolicæ, ac Acie Campi Floræ de more affigi, & publicari, earumque exempla inibi affixa dimitti, ac post publicationem huiusmodi omnes, & singulos, quos concernunt, & concernent in futurum perinde arctent, & afficiant, ac si eorum cuilibet personaliter intimatæ fuissent, quodq; earum transumptis etiam impressis Notarij publici manu subscriptis, & sigillo alicuius Prælatis, seu personæ in dignitate Ecclesiastica constitutæ munitis, eandem prorsus fidem in iudicio, & extra vbique gentium, & locorum adhiberi volumus, & mandamus, quæ eisdem originalibus literis adhiberetur, si essent exhibitæ, vel ostensæ, & nihilominus, vt ad maiorem notitiam singulorum, & quorumcunque Religiosorum prædictorum presentes deueniant, etiam volumus, & in virtute sanctæ Obedientiæ præcipimus, & mandamus Generalibus, Superioribus, & Prælati prædictis, vt in primis proximis futuris Capitulis, seu Congregationibus Prouincialibus, vel Generalibus cuiuscumque Prouinciæ, tam in Italia, quam extra, presentes nostras literas legi, & publicari faciant, & procurent. Nulli ergo omnino hominum liceat hanc paginam nostræ cassationis, reuocationis, abolitionis, inhibitionis, mandatorum, auocationis, commissionis, præceptorum, decreti, declarationis, derogationis, & voluntatis infringere, vel ei ausu temerario contraire. Si quis autem hoc attentare præsumpserit indignationem Omnipotentis Dei, ac Beatorum

Petri,

Bulle Apostolica.

457

Petri, & Pauli Apostolorum eius se nouerit incursum. Dat. Romę apud S. Marcum, Anno Incarnationis Dominicę 1606. Kal. Septembris, Pontificatus Nostri Anno Secundo.

P. PRODAT.

Registrata apud Scipionem Secretarium,

Scipio Cobellutius,

S. de Vrbinis

Anno à Natiuitate D. N. Iesu Christi 1606. Indictione 4. Pontificatus autem Sanctissimi in Christo Patris, & D. N. D. Pauli Diuina prouidentia Papę V. Anno secundo Die uero tertia Mensis Octobris, supradictę literę Apostolicę affixę, & publicatę fuerunt ad Valuas Basilicarum Sancti Ioannis Lateranensis, Principis Apostolorum de Vrbe, & Cancellarię Apostolicę, ac in Acie Campi Florę, ut moris est, per me Io. Baptistam Menochium eiusdem Sanctissimi D. N. Papę, & Sanctiss. Inquisitionis Cursorem. Feria v. Die 31. Augusti, Anno à Natiuitate D. N. Iesu Christi 1617.

In Generali Congregatione S. Romana, & Vniuersalis Inquisitionis, habita in Palatio Apostolico in Monte

Quirinali coram Sanct. D. N. D. PAVLO

Diuina prouidentia Papę V.



ANCTISS. D. N. post longam, & maturam discussionem auditis uotis Illustrissimorum, & Reuerendissimorum DD. Cardinalium contra hereticam prauitatem Generalium Inquisitorum re accuratę, ac diligenter

ligenter perpensa providè considerans, quod quamvis in Constitutione fel. rec. Syxti IV. super Conceptione Beatissimę Virginis Marię pro submovendis inter Christifideles scandalis, rixis, & contentionibus edita, à sancta Tridentina Synodo innouata, & deinde in alia Constitutione sanctę mem. Pij V. super eadem re, quas similiter Sanctitas sua innouavit cum quibusdam prouisionibus, & adiectionibus penarum pro efficaciori earum obseruatione, relinquatur unicuique libera facultas tenendi, & etiam asserendi vtramque partem, quòd scilicet fuerit, vel non fuerit concepta cum peccato Originali, dum tamen neutra, veluti erronea, aut heretica damnetur, nihilominus ex occasione asseritionis affirmatiuę in publicis Concionibus, Lectionibus, Conclusionibus, & actibus publicis, quod eadem Beatissima Virgo fuerit cum peccato Originali concepta, oriuntur in populo Christiano cum magna Dei offensa, scandala, iurgia, & dissensiones. Propterea volens huiusmodi scandalis ex debito sui muneris providere, decreuit, & precepit, ac presentis Decreti virtute mandat, & precipit omnibus, & singulis cuiusuis ordinis, & instituti Regularibus, & alijs quibuscunque tam Ecclesiasticis, quam secularibus personis cuiusuis conditionis, status, gradus, ordinis, aut dignitatis, tam Ecclesiasticę, quam secularis etiam, si specialis, specifica, & indiuidua earum esset necessario mentio faciendā, vt in posterum donec articulus huiusmodi à S. Sede Apostolica fuerit diffinitus, vel per Sanctitatem suam, & Sedem Apostolicam fuerit aliter ordinatum, non audeant in publicis Concionibus, Lectionibus, Conclusionibus, & alijs quibuscunque actibus publicis asserere, quod eadem Beatissima

Virgo

Virgo fuerit concepta cum peccato Originali. Contrafacientes autem eadem Sanctitas sua voluit, & declarauit subiacere debere, & subiecit Censuris, & pœnis contentis in supradictis Constitutionibus suorum Prædecessorum, & sua ipso facto incurrendis. Per huiusmodi tamen prouisionem Sanctitas sua non intendit reprobare alteram opinionem, nec ei vllum prorsus præiudicium inferre, eam relinquens in eisdem statu, & terminis, in quibus de præsentis reperitur, præterquam quoad supra disposita. Vltèrius sub eisdem censuris, & pœnis mandans, quod negatiuam opinionem, videlicet, quod non fuerit concepta cum peccato Originali in prædictis publicis actibus asserentes aliam opinionem non impugnent, nec de ea aliquo modo agant, seu tractent. Insuper voluit, & expresse mandauit, vt extra hos casus expressos publicorum actuum, in reliquis omnibus supradictæ Constitutiones firmæ, & illesæ remaneant, & exactè obseruentur perinde, ac si præsens Decretum non emanasset. Et ita decreuit, & mandauit vbique inuiolabiliter obseruari, non obstantibus in hac parte supradictis Constitutionibus, & alijs omnibus in contrarium facientibus. Volens, & decernens pro obseruatione, & executione præsentis Decreti, & omnium in eo contentorum, quod contra huiusmodi transgressores etiam Regulares cuiusuis Ordinis, & Instituti, etiam quomodolibet exemptos, & alias quascumque Ecclesiasticas, & sæculares personas cuiuscumque status, conditionis, gradus, ordinis, aut dignitatis, tam Ecclesiasticæ, quàm sæcularis, tam Episcopi, & Prælati, Superiores, alijque Ordinarij locorum, quam hæreticæ prauitatis, vbique locorum deputati Inquisitores procedant, & in eos seuerè animaduertant,

tant, tribuens eis, & eorum cuilibet liberam facultatem, & auctoritatem contra eosdem transgressores procedendi, ac pœnis coercendi, & puniendi. Voluit demum, ne præmissorum ignorantia à quoquam prætendi possit, quòd præsens Decretum, seu illius exempla ad Valvas Basilicæ Principis Apostolorum de Vrbe, & in Acie Campi Floræ affixa omnes ita ardeant, & afficiant, perinde, ac si vnicuiq; personaliter intimata fuissent; quodq; præsentium transumptis etiam impressis manu Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur si forent exhibitæ, vel ostensæ.

Andreas de Pettinis Sanctæ Romanæ, & vniuersalis Inquisitionis Not.

Anno Natiuitate D. N. Iesu Christi 1617. Indictione xv. Die verò 12. Mensis Septembris, Pontificatus autem Sanctiss. in Christo Patris, & D. N. D. Pauli Diuina providentia Papæ V. Anno 13. præsens Decretum affixum, & publicatum fuit ad Valvas Basilicæ Principis Apostolorum, & in Acie Campi Floræ, per me Franciscum de Clericis Sanctiss. D. N. Papæ Cursorem.

Siluerius Pontivulus Magis. Curs.

Feria iij. Die xxiv. Maij, Anno à Natiuitate D. N.
Iesu Christi M. DC. XXII.

*In generali Congregatione Sanctæ Romanæ,
& Uniuersalis Inquisitionis, habita in
Palatio Apostolico, in Monte Quirinali
coram S. D. N. D. GREGORIO Diui-
na prouidentia Papa XV. ac Illustriss.,
& Reuerendiss. DD. S. R. E. Card. ad-
uersus hæreticam prauitatem Inquisitori-
bus Generalibus à Sancta Sede Apostolica
specialiter deputatis.*

SANCTISSIMVS D. N. auditis votis Illu-
striss., & Reuerendiss. DD. Cardin. contra
hæreticam prauitatem Generalium Inquisi-
torum Decretū aliàs editū à fel. rec. Paulo P.
eius prædecessore, Tenoris sequentis, videlicet.

Sanctissimus Dominus Noster post longam, &
maturam discussionem auditis votis Illustrissimorum,
& Reuerendissimorum DD. Cardinalium contra
hæreticam prauitatem Generalium Inquisitorum,
re accuratè, ac diligenter perpensa prouidè con-
siderans, quòd quamuis in Constitutione fel. rec.
SIXTI IV. super CONCEPTIONE B. V.
MARIÆ pro submouendis inter Christifideles
scandalis, rixis, & contentionibus edita à Sancta
Tridentina Synodo innouata, & deinde in alia
Constitutione san. mem. Pij V. super eadem re,
quas similiter Sanctitas sua innouauit cum quibus-
dam prouisionibus, & adiectionibus pœnarum pro
effi-

emaciori earum obseruatione, relinquatur vnicuique
 libera facultas tenendi, & etiam asserendi vtramque
 partem, quod scilicet fuerit, vel non fuerit concepta
 cum peccato Originali, dum tamen neutra, veluti er-
 ronea, aut hæretica damnetur. Nihilominus ex oc-
 casione asseritionis affirmatiuæ in publicis Concioni-
 bus, Lectionibus, Conclusionibus, & actibus publicis,
 quod eadem Beatissima Virgo fuerit cum peccato
 Originali concepta, oriuntur in populo Christiano,
 cum magna Dei offensa, scandala, iurgia, & dissensio-
 nes. Propterea volens huiusmodi scandalis ex debito
 sui muneris prouidere, decreuit, & præcepit, ac præ-
 sentis Decreti virtute mandat, & præcipit omnibus, &
 singulis cuiusuis Ordinis, & Instituti Regularibus,
 & alijs quibuscumque, tam Ecclesiasticis, quam Sæ-
 cularibus personis cuiusuis conditionis, status, gra-
 dus, ordinis, aut dignitatis, tam Ecclesiasticæ, quam
 Secularis, etiam si specialis, specifica, & indiui-
 dua earum esset necessariò mentio facienda, vt in
 posterum, donec articulus huiusmodi à Sancta Se-
 de Apostolica fuerit diffinitus, vel per Sanctitatem
 suam, & Sedem Apostolicam fuerit aliter ordina-
 tum, non audeant in publicis Concionibus, Lectio-
 nibus, Conclusionibus, & alijs quibuscumque acti-
 bus publicis asserere, quod eadem Beatissima Vir-
 go fuerit concepta cum peccato Originali; Con-
 trafacientes autem eadem Sanctitas sua voluit, &
 declarauit subiacere debere, & subiecit censuris,
 & pœnis contentis in supradictis Constitutionibus
 suorum Prædecessorum, & sua ipso facto incurren-
 dis: Per huiusmodi tamen prouisionem Sanctitas
 sua non intendit reprobare alteram opinionem, nec
 ei vllum prorsus præiudicium inferre, eam relinquens
 in

in eisdem statu, & terminis, in quibus de presenti reperitur, præterquam quoad supra disposita. Vltèrius sub eisdem censuris, & pœnis mandans, quod negatiuam opinionem, videlicet, quòd non fuerit concepta cum peccato Originali, in prædictis publicis actibus asserentes, aliam opinionem non impugnent, nec de ea aliquo modo agant, seu tractent. Insuper voluit, & expressè mandauit, vt extra hos casus expressos publicorum actuum, in reliquis omnibus supradictæ Constitutiones firmæ, & illæ remaneant, & exactè obseruentur perinde, ac si præsens Decretum non emanasset. Et ita decreuit, & mandauit vbique inuiolabiliter obseruari, non obstantibus in hac parte supradictis Constitutionibus, & alijs omnibus in contrarium facientibus &c.

HOC suo presenti DECRETO ex eisdem causis euitan. scandala, dissensiones, atq; discordias in populo Christiano, quæ pari ratione oriri possunt, & vt accepit, in aliquibus Regionibus iam orta sunt ex sermonibus priuatis occasione assertionis affirmatiuæ, extendit, & ampliavit etiã ad priuata colloquia, & scripta, mandans, & præcipiens omnibus, & singulis supradictis, ne de cætero donec articulus huiusmodi à Sede Apostolica diffinitus, vel per Sanctitatem Suam, & Sedem Apostolicam fuerit aliter ordinatum, neque etiam in sermonibus, & scriptis priuatis audeant asserere, quod eadem Beatissima Virgo fuerit concepta cum peccato Originali, nec de hac opinione affirmatiua aliquo modo agere, seu tractare, exceptis tamen, quibus a sancta Sede Apostolica fuerit per hoc specialiter indultum. Per hoc tamen Sanctitas Sua non intendit reprobare hanc opinionem, nec ei vllum prouidicium inferre, eam relinquens in eisdem statu, & terminis, in quibus reperitur, præterquam quoad in supradicto fel. record. Pauli V. &

G g hoc

hoc suo Decreto disposita; Eadem Sanctitas Sua voluit, & expressè mandavit, ut in reliquis omnibus, ubi huiusmodi Decretis non aduersantur, Constitutiones Syxi IV. Alexandri VI. & Pij V. ac Pauli V. eius Prædecessorum super Conceptione Beatissimæ Virginis firmæ, & illibata remaneant, ac exactè obseruentur, perindè, ac si huiusmodi Decretum non emanasset. Et insuper eadem Sanctitas Sua cum Sancta Romana Ecclesia de Beatissimæ Virginis Conceptione Festum solemniter, & Officium celebret, omnibus, & singulis personis Ecclesiasticis, tam Sæcularibus, quàm cuiusuis Ordinis, & Instituti Regularibus mandat, ac præcipit, ut in Sacrosancto Missæ Sacrificio, ac Diuino Officio celebrandis, tam publicè, quàm priuatim, non alio quàm Conceptionis, nomine vii debeant. Contrauenientes autem Sanctitas Sua voluit, & declarauit subiacerè debere, & subiecit censuris, & pœnis contentis in supradictis Constitutionibus, ac præfato Decreto suorum Prædecessorum ipso facto incurren. Et ita decreuit, & mandauit ubique inuiolabiliter obseruari, non obstantibus in hac parte Constitutionibus superscriptis, Decreto præfato Pauli V. consuetudinibus etiam immemorabilibus, nec non omnibus, & singulis, quæ Prædecessores prædicti voluerunt non obflare, ac alys quibuscumque in contrarium facientibus. Volens, & decernens pro obseruatione, & executione præsentis Decreti, & omnium in eo contentorum, quòd contra huiusmodi transgressores etiam Regulares cuiusuis Ordinis, & Instituti, etiam quomodolibet exemptos, & aliàs quascumque Ecclesiasticas, & Sæculares personas cuiuscumque status, conditionis, gradus, ordinis, aut dignitatis, tam Ecclesiasticæ, quàm Sæcularis, tam Episcopi, & Prelati Superiores, alyque Ordinarij locorum, quàm hæreticæ prauitatis, ubique locorum deputati Inquisitores procedant, & in eos seuerè animaduertant, tribuens eis, & eorum cuiuslibet liberam facultatem, & auctoritatem contra eosdem

trans-

Bulle Apostolica. 459

transgressores procedendi, ac pœnis coercendi, & puniendi. Voluit demum, ne præmissorum ignorantia à quoquam præzendi possit, quòd præsens Decretum, seu illius exempla ad Valuas Basilicæ Principis Apostolorum de Vrbe, & in Acie Campi Floræ affixa omnes ita ardeant, & afficiant, perindè, ac si vnicuique personaliter intimata fuissent; quodque presentium transumptis etiam impressis manu Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides adhibeatur, quæ presentibus adhiberetur, si forent exhibitæ, vel ostensæ.

*Andreas de Pettinis S. Romanæ, &
vniuersalis Inquisit. Not.*

Anno à Natiuitate Domini Nostri Iesu Christi, Millesimo, sexcentesimo, vigesimo secundo, Indictione quinta, die verò secunda mensis Iunij, Pontificatus Sanctissimi in Christo Patris, & D. N. D. GREGORII Diuina prouidentia Papæ XV. Anno eius secundo suprascriptum Decretum affixum, & publicatum fuit ad Valuas Basilicæ Principis Apostolorum de Vrbe, & in Acie Campi Floræ, vt moris est, per me Brandimartem Latinum S. D. N. Papæ Curs.

Octavianus Spada Mag. Curs.

Gg 2 S. D. N.

Santis. D. Nostri

GREGORII PP. XV.

*Constitutio contra sollicitantes
in Confessionibus.*

GREGORIUS PAPA XV.

Ad perpetuam rei memoriam.

UNIVERSI Domini gregis curam, quamquam immeriti, cœlesti dispositione gerentes, sedulo inuigilare tenemur, ut ab omnibus pravis contagijs conseruetur immunis, multoque maiori studio providere, ut omnis pestis ab ijs auertatur, quibus alios sanandi officium est commissum, ne quod Euangelica scripta Nos admonent, sale infatuato non sit in quo saliat, & ad nihilum prosit vltra, nisi ut mittatur foras, & conculcetur ab hominibus. Quoniam autem à Romanis Pontificibus prædecessoribus nostris quibusdam in locis prouisum fuit, ut impium, ac nefandum scelus, quod non solum inter Christifideles non esse, sed nec etiam nominari debet, procul ab ijs arceatur, videlicet ut aliquis Sacerdos ad sacras audiendas confessiones deputatus, Sacrosancto Pœnitentiæ Sacramento, sollicitando pœnitentes ad turpia abutatur, ac pro medicina venenum, pro pane aspidem porrigat, & ex cœlesti medico infernalis veneficus, ex patre spirituali proditor execrabilis

bilis animarum reddatur: idcirco Nos ea, quæ his perniciosissimis Diaboli insidijs arcendis certis locis salubriter constituta sunt, vt nullibi desiderentur, quantum ex alto conceditur, provideñ. duximus. Aliàs siquidem à fel. rec. Pio Papa IV. prædecessore nostro emanarunt litteræ tenoris subsequenti videlicet. Pius Papa IV. Venerabili fratri Archiepiscopo Hispaleñ. in Regnis Hispaniarum hæreticæ prauitatis Inquisitori Generali. Cum sicut nuper, non sine animi nostri molestia, accepimus diuersi Sacerdotes in Regnis Hispaniarum, atque etiam in eorum Ciuitatibus, & Diocesibus curam animarum habentes, siue eam pro alijs exercentes, aut aliàs audiendis confessionibus pœnitentium deputati in tantam proruperint iniquitatem, vt Sacramento Pœnitentiæ in actu audiendi confessiones abutantur, nec illi, & qui id instituit Domino Deo, & Saluatori nostro IESV Christo iniuriam facere vereantur, mulieres videlicet, pœnitentes ad actus inhonestos, dum earum audiunt confessiones, alliciendo, & prouocando, seu allicere, & prouocare tentando, & procurando, ac loco earum per Sacramentum huiusmodi Creatori nostro reconciliationis grauiori peccatorum moleas onerando, & in manibus Diaboli tradendo, in Diuinæ Maiestatis offensam, & animarum perniciem, Christifidelium scandalum non modicum. Nos in animum inducere nequeunt, quod qui de Fide Catholica rectè sentiunt, Sacramentis in Ecclesia Dei institutis abutantur, aut illis iniuriam faciant, Fraternalitati tuæ, de cuius eximia pietate, virtute, atque doctrina plurimum in Domino confidimus per præsentem committimus, & mandamus, quatenus per te, vel per alium, seu alios à te depu-

randum, seu deputandos contra omnes, & singulos Sacerdotes dictorum Regnorum, ac illarum Ciuitatum, & Diœcesum de præmissis quomodolibet difamatos, tam sæculares, quàm quorumuis etiam exemptorum, ac Sedi Apostolicæ immediatè subiectorum Ordinum, Regulares cuiuscunque dignitatis, status, gradus ordinis, conditionis, & præeminentiæ existant tam super præmissis, quàm super Fide Catholica, & quid de ea sentiant, diligenter inquiras, & iuxta facultatem tibi contra hæreticos, aut de hæresi quouis modo suspectos à Sede Apostolica concessarum continentiam, & tenorem procedas, ac culpabiles repertos, iuxta excessuum suorum qualitates, prout iuris fuerit, pecunias, eas etiam si, & prout de iure fuerit faciendum, debita præcedente degradatione sæcularis Iudicis arbitrio puniēdos tradendo. Non obstantibus Constitutionibus, & ordinationibus Apostolicis, ac Ecclesiarum, & Monasteriorum, necnon Ordinum quorumlibet, quorum ipsi Sacerdotes fuerint etiam iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoque indultis, & literis Apostolicis sub quibuscunque tenoribus, & formis, ac cum quibusuis clausulis, & decretis etiam Motu proprio, aut aliàs quomodolibet concessis, etiam iteratis vicibus approbatis, & innouatis. Quibus omnibus eorum tenores præsentibus pro expressis habentes, hac vice duntaxat specialiter, & expressè derogamus, cæterisque contrarijs quibuscunque. Dat. Romæ apud sanctum Petrum sub Anulo Piscatoris die xvj. Aprilis M D L XI. Pontificatus Nostri Anno Secundo. Igitur, vt literæ prædictæ perpetuis futuris temporibus, & vbique loco-

locorum inuiolabiliter obseruentur. Motu proprio, & ex certa scientia, ac matura deliberatione nostra, ac de consilio Venerabilium Fratrum nostrorum S. R. E. Cardinalium contra hæreticam prauitatem Generalium Inquisitorum præinfertas literas huiusmodi, ac omnia, & singula in eis contenta Apostolica auctoritate tenore præsentium approbamus, & confirmamus, illisque omnibus, & singulis inuiolabilis Apostolicæ firmitatis robur adijcimus, illasque non solum in prædictis Hispaniarum Regnis, sed in quibusuis Christiani Orbis partibus firmiter, & inuiolabiliter obseruari præcipimus, & mandamus. Ac præterea, ne in futurum de pœna his delinquentibus imponenda, & de modo contra eosdem procedendi ab aliquo dubitari possit, statuimus, decernimus, & declaramus, quod omnes, & singuli Sacerdotes tam sæculares, quam quorumuis, etiam quomodolibet exemptorum, ac Sedi Apostolicæ immediatè subiectorum ordinum, institutorum, societatum, & Congregationum Regulares cuiuscunque dignitatis, & præeminentiæ, aut quouis priuilegio muniti existant, qui personas quæcunque illæ sint, ad inhonestas, siue inter se, siue cum alijs quomodolibet perpetranda in actu Sacramentalis Confessionis, siue ante, vel post immediatè, seu occasione, vel prætextu confessionis huiusmodi etiam ipsa confessione non secuta, siue extra occasionem confessionis in Confessionario, aut in loco quocunque ubi Confessiones Sacramentales audiantur, seu ad Confessionem audiendam electo, simulantes ibidem Confessiones audire, sollicitare, vel prouocare tentauerint, aut cum eis illicitos, & inhonestos sermones, siue tractatus habuerint in Officio Sanctæ Inquisitionis seuerissimè, vt infra puniantur.

Et præterea omnes hæreticæ prauitatis Inquisitores, & locorum Ordinarios omnium Regnorum, Prouinciarum, Ciuitatum, Dominorum, & locorum vniuersi Orbis Christiani in suis quemque Diœcesibus, & Territorijs per has nostras literas etiam priuatiuè quo ad omnes alios specialiter, ac perpetuo Iudices delegamus, vt super his contra prædictos simul, vel separatim in omnibus, prout in causis fidei iuxta Sacrorum Canonum formam, necnon officij Inquisitionis huiusmodi constitutiones, priuilegia, consuetudines, & decreta diligenter inquirent, & procedant, & quos in aliquo ex huiusmodi nefarijs excessibus culpabiles reppererint, in eos pro criminum qualitate, & circumstantijs, suspen. ab executione ordinis, priuationis beneficiorum, dignitatum, & officiorum quorumcunque, ac perpetuæ inhabilitatis ad illa, necnon vocis actiuæ, & passiuæ, si regulares fuerint, exilij, damnationis ad triremes, & carceres etiam in perpetuum absque vlla spe gratiæ, aliasque pœnas decernant, eos quoque si pro delicti enormitate grauiores pœnas meruerint, debita præcedente degradatione Curiaë sæculari puniendos tradant. Dantes etiam facultatem Venerabilibus Fratribus nostris S. R. E. Cardinalibus Generabilibus Inquisitoribus, ne delictum tam enorme, & Ecclesiaë Dei tam perniciosum remaneat, ob probationum defectum impunitum, cum difficilis sit probationis, testibus, etiam singularibus, concurrentibus præsumptionibus, indicijs, & alijs adminiculis delictum probatum esse arbitrio suo iudicandi, & Curiaë sæculari, vt præfertur reum tradendum esse pronuntiandi. Non obstant. omnibus, quæ dictus prædecessor in suis literis prædictis voluit non obtare, cæterisque contrarijs quibuscunque.

que. Mandantes omnibus Confessarijs, vt suos penitentes, quos nouerint fuisse ab alijs vtsupra sollicitatos, moneant de obligatione denunciandi sollicitantes, seu vt præfertur tractantes, Inquisitoribus, seu locorum Ordinarijs prædictis, quod si hoc officium prætermiserint, vel pœnitentes docuerint non teneri ad denunciandum Confessarios sollicitantes, seu tractantes, vt supra ijdem locorum Ordinarij, & Inquisitores illos pro modo culpæ punire non negligant. Volumus autem, vt præsentium transumptis etiam impressis manu alicuius Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides in iudicio, & extra vbique habeatur, quæ præsentibus haberetur, si forent exhibitæ, vel ostensæ, quodque eadem præsentis literæ seu illarum exempla ad valuas Basilicarum S. Ioannis Lateraneæ. ac Principis Apostolorum de Vrbe, & in Acie Campi Floræ affixæ omnes ita ardent, & afficiant, ac si vnicuique personaliter intimatæ fuissent. Dat. Romæ apud Sanctam Mariam Maiorem, sub Annulo Piscatoris, die xxx. Aug. MDC XXII. Pontificatus Nostri Anno Secundo.

S. CARD. S. SVSANNÆ.

Anno à Natiuitate D. N. IESV CHRISTI
millesimo sexcentesimo vigesimo secundo, Indi-
ctione quinta, die vero prima mensis Septembris,
Pontificatus Sanctiss. in Christo Patris, & D. N. D.
G R E G O R I I Diuina prouidentia Papæ XV.
Anno eius Secundo Retroscripta Constitutio, siue
literæ Apostolicæ affixæ fuerunt ad valuas S. Ioannis

La-

Lateranen. & Principis Apostolorum Basilicarum
de Vrbe, & in Acie Campi Floræ, vt moris est per me
Brandimartem Latinum Apostolicum Cursorum.

Octavius Spada Mag. Curs.

Pro explicatione, & executione præsentis Consti-
tutionis Illustriss. Cardinalis Millinus de mandato
Sanctiss. D. N. Papæ V R B A N I VIII. & Illustris-
simorum Cardinalium supremorum Inquisitorum, li-
teras dedit ad Illustrissimum Cardinalem Federicum
Borromæum Mediolani Archiepiscopum, tenoris se-
quentis videlicet.

**Illustrissimo, e Reuerendissimo Sig. mio
offeruandissimo.**

DOppò essersi hauuta longa, e matura considera-
zione sopra il dubio significato da diuerse ban-
de: se i Penitenti siano obligati a denunciare
i Confessori, da quali sono stati sollecitati nel
loco, ò atto della Confessione; quando hanno con-
sentito alla sollecitatione; N. Signore, e questi miei Signori
Illustrissimi in Congregatione tenuta auanti S. Santità à 25.
di Luglio passato, doppò hauer' anco inteso il parere d'vna
particolare Congregatione deputata per quest' effetto, hanno
risoluto, che qualsiuoglia Penitente è tenuto a denunciare il
Confessore, dal quale sarà stato sollecitato nel loco, ò atto
della Confessione, ancorche gli habbia consentito, & non è
tenuto a propalare il proprio consenso, ne sopra ciò s'inter-
rogbi dal Vescouo, ò dall'Inquisitore, ò loro Vicarij, auanti
quali deporrà, ne meno il Confessore denunciato, proceden-
dosi

dosi poi contra di lui, ne i Costituti, che se gli faranno, s'interrogghi sopra detto consenso, & in caso, ch'egli volesse dirlo da se, non si scriua il suo detto, come cosa in ordine alla persona sollecitata non spettante all'Officio della Santa Inquisitione; le parti dunque di V. S. Illustrissima sono di significare a i Confessori detta risoluzione, & incaricargliene strettamente l'offeruanza, acciò ne i casi, che occorrono alla giornata, conforme al tenore della Costituzione publicata da GREGORIO XV. S. M. contra i Confessori sollecitanti, significchino a i Penitenti l'obbligo, che hanno di denunciare i Confessori, da quali saranno stati sollecitati, & hauendogli consentito, & facendo difficoltà in scoprire il proprio consenso, conforme alla risoluzione, che si è fatta, gli dichino apertamente, che non sono tenuti a propalare il detto consenso, e che tantò i Penitenti, quanto i Confessori sollecitanti, procedendosi contra di loro, non faranno di ciò interrogati, & dicendolo da se, non si scriuerà, nè riceuera il loro detto, e quando il Penitente tuttauia persistesse nella medesima renitenza, N. Signore si contenta, che dal Vescouo, ò dall'Inquisitore si dia autorità al Confessore di riceuere per scrittura, & con giuramento la denuncia per portarla subito a chi gli hauerà data autorità di pigliarla; & se oltre le cose sudette, occorrerà altro caso graue, per il quale non si possa il Penitente indurre a denunciare, vuole Sua Santità, che si scriua qui, e s'aspetti la risposta, & in tanto si sopraseda nell'assoluzione; Et tanto si contenterà V. S. Illustrissima di far' offeruare nella sua Diocese, facendo registrare la presente ne gli atti di cotesa Corte per informatione sua, & de suoi successori, quali hauranno mira, che la presente risoluzione riguarda solo quei Penitenti, che per hauere consentito, fanno difficoltà in denunciare; ma a quei, che non hanno consentito, ò hauendo consentito, non sono in ciò renitenti, non deue il Confessore porre difficoltà alcuna, ma lasciare, che indifferentemente, & liberamen-

re s'odisfaccino all' obliogo, che hanno di denuntiare, conforme alla Costituzione: Si compiacerà anco V. S. Illustrissima di mandare copie della presente a i Vescouii suoi suffraganei, acciò da essi ancora sia fatta la presente risoluzione. Et a V. S. Illustrissima per fine humilissimamente bacio le mani. Di Roma li 27. di Settembre 1624.

Di V. S. Illustriss. & Reuerendissima.

Sottoscritta, Humilissimo, & obligatissimo seruitore
Il Cardinal Millino.

Atergo. All' Illustrissimo, & Reuerendissimo Sig.
mio offeruandissimo, il Sig. Cardinale Borromeo.

Pro hac materia vide Emmanuel Rodriq. quæstionum Regularium, & Canoniarum, tomo 1. q. 9. art. 4. in fine, & tomo 2. quæst. 27. art. 3. vbi docet sollicitantes pueros ligare Constitutionem Pij IV. Stephanus Quaranta in summa Bullarij, verbo Confess. Anton. Nald. in sua summa Practicarum quæstionum, ver. Confessio num. 26. Marcel. Megal. Institut. Confessariorum par. 1. lib. 1. cap. 5. Barthol. Gipti de Casibus reseruatis cap. 14. Anton. Sanctarel. Soc. Iesu, tractatu de hæresi capitolo 44. 45. 46.

469
Santiss. D. Nostri

GR E G O R I I P A P Æ X V .

*Constitutio contra Hæreticos in
Italia commorantes, eorumq;
fautores.*

GR E G O R I U S P A P A X V .

Ad perpetuam rei memoriam.

R O M A N I Pontificis Beati Petri Aposto-
lorum Principis successoris munus exi-
git, vt pro incumbente Dominici gregis
cura, & sollicitudine prædecessorum suo-
rum Constitutiones, eas præsertim quæ ad Sacro-
sanctæ Fidei Catholicæ conseruationem pertinent,
quo suum perpetuum sortiantur effectum, & inui-
olabiliter obseruentur, inuouet, & extendat, prout
rerum, & temporum qualitatibus debite compen-
satis, conspicit in Domino salubriter expedire. Aliàs
siquidem à fel. recor. Clemente Papa VIII. præde-
cessore nostro emanarunt literæ tenoris subsequenti-
s videlicet.

CLEMENS PAPA VIII. Ad futuram rei
memoriam. Cum sicut non sine magno animi no-
stri dolore accepimus, quamplures Christifideles
ex diuersis Italiæ partibus, eorum Patrijs, vbi ve-
ra, & Sancta Catholica, & Apostolica Religio vi-
get, & publicè prædicatur discedentes, abeant in
lōn-

longinqua loca, vbi non solum hæresis impunè grafsantur, sed quod peius est. Catholicæ Religionis vsus publicè interdicitur, & prohibetur, quo fit, vt personæ ibi permanentes, etiam si Catholicæ sint, cogantur tamen contra eorum pia desideria Sacrosanctæ Missæ Sacrificio, alijsque Diuinis Officijs, ac Sanctorum Sacramentorum perceptione in suarum animarum discrimen diutius carere. Quare Nos his, & alijs malis, & periculis inde prouenientibus, quantum cum Domino possumus, obuiare cupientes, hac nostra in perpetuum valitura Constitutione statuimus, & ordinamus, vt de cætero nullus Italus, siue Mercator, siue cuiusuis alterius conditionis, vel status existat, quouis quæsito colore, prætextu, vel ingenio audeat habitare, vel domicilium tenere in Ciuitate, Oppido, seu loco vbi aliqua Ecclesia cum Parocho, vel Pastore, seu Sacerdote Catholico non existat, in qua liberè, & sine omni periculo palam; & publicè celebrari, & audiri possint Sacrosanctæ Missæ, & alia Diuina Officia, & conciones, ac Sacramenta Ecclesiastica ministrari, mortuorum corpora sepeliri, & cætera fieri iuxta Ritus S. R. E. Vtq; iidem Itali abstineant à matrimonijs cum hæreticis mulieribus, & ab hæreticorum sepulturis, filios suos de sacro Fonte leuari per hæreticos non permittant, nec ipsi vicissim hæreticorum filios, nisi per Catholicum Sacerdotem Catholico more baptizentur leuare præsumant. Medicorum quoque hæreticorum opera necessitate cessante, & vbi adsit copia Catholici medici idonei, non vtantur. Cum vero Itali prædicti ex Italia recedunt ad morandum, seu inhabitandum in partibus prædictis, id significant suis Ordinarijs, vel Inquisitoribus locorum, à quibus serio admoneantur;

gur; vt in eis perpetuo Catholicam, & Orthodoxam Fidem constanter retinentes, & profitentes, piam, & Catholicam vitam ducant, Dominicos, & Festos dies, abstinentias, & sacra ieiunia ab Ecclesia præcepta religiosè colant, atque omnem hæresim, & errorem, hæreticos, schismaticos, & ab Orthodoxa Fide aberrantes fugiant, & euitent, ac vt saltem singulis annis de eorum Sacramentali peccatorum confessione, & Sanctissimæ Eucharistiæ perceptione per eos facta fidem, seu testimonium ipsis Ordinarijs, vel Inquisitoribus in Italiam transmittant, ad quod, & Nos dictos Italos tenore præsentium teneri, & obligatos esse decernimus, & mandamus. Quod si quis propriæ salutis immemor cõtra præmissa facere præsumserit, possit aduersus eum per locorum Ordinarios, & Inquisitores hæreticæ prauitatis vti de hæresi suspectum procedi. Non obstantibus Constitutionibus, & Ordinationibus Apostolicis, cæterisque cõtrarijs quibuscunque. Volumus autem, vt earundem præsentium transumptis etiam impressis manu alicuius Notarij publici subscriptis, & sigillo personæ in dignitate Ecclesiastica constitutæ munitis, eadem prorsus fides in iudicio, & extra adhibeatur, quæ ipsismet præsentibus haberetur si essent exhibitæ, vel ostensæ. Dat. Romæ apud S. Marcum sub annulo Piscatoris die 26. Iulij 1596. Pontificatus Nostri Anno Quinto. Nos inuiolabili dictarum Clementis literarum, & in eis contentorum quorumcunque obseruationi, quantum Nobis ex alto conceditur per amplius providere volentes. Motu proprio, & ex certa scientia, ac matura deliberatione, nostris deque Apostolicæ potestatis plenitudine, hac nostra perpetuo valitura Constitutione easdem Clementis prædecessoris literas,

cum

cum omnibus, & singulis in eis contentis, tenore præsentium approbamus, & confirmamus, illasque innovamus, ac inuiolabiliter obseruari mandamus. Insuper ne vllus Hæreticus in locis Italiæ, & Insularum, adiacentium, neq; etiam sub commercij, mercimonij, aut alio quouis prætextu domicilium contrahere, seu domum apertam habere propriam, vel conductam, aut gratis concessam, seu habitare, aut morari possit, earundem tenore præsentium prohibemus, ac respectiuè statuimus, & ordinamus, Contra prohibitioni autem, ac statuto, & ordinationi nostris huiusmodi non parentes, seu contrauenientes cuiusuis status, gradus, ordinis, dignitatis tam Ecclesiasticæ, quam secularis existentes, iuxta formam iuris procedatur, & puniantur. Et simili modo eos, qui hæreticos prædictos receptauerint, eisque quoquomodo contra præsentium literarum tenorem, fauorem, opem, seu auxilium præbuerint, vti fautores, & receptatores Hæreticorum puniri, sicque per quoscunque Iudices ordinarios, & delegatos, etiam S. R. E. Cardinales, & de Latere Legatos, sublata eis, & eorum cuilibet quauis aliter iudicandi, & interpretandi facultate, & auctoritate vbique iudicari, & diffiniri debere, ac irritum, & inane si secus super his à quoquam quauis auctoritate scienter, vel ignoranter contigerit attentari auctoritate, & tenore prædictis decernimus, & declaramus. Non obstantibus Constitutionibus, & ordinationibus Apostolicis, cæterisque contrarijs quibuscunque. Volumus autem, quod præsentium transumptis, etiam impressis, manu alicuius Notarij publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur in iudicio, & extra, quæ præsentibus

bus adhiberetur si forent exhibitæ, vel ostēse, quod-
que eadem præsentēs post duos menses à die illarū
publicationis computandos, omnes, & singulos ad
quos spectat, arceant, & afficiant, perindē ac si
vnicuique personaliter intimatæ fuissent. Datum
Romæ apud Sanctam Mariam Maiorem sub Annu-
lo Piscatoris, die ij. Iulij MDCXXII. Pontifi-
catus Nostri Anno Secundo.

S. CARD. S. SVSANAÆ.

Anno à Nativitate Domini Nostri Iesu Christi, Mille-
simo sexcentesimo vigesimo secundo, Indictione quinta, Die
verò prima Mensis Septembris, Pontificatus Sanctissimi in
Christo Patris, & D. N. D. GREGORII Divina
providentia Papæ XV. Anno eius Secundo; Retroscripta
Constitutio affixa, & publicata fuit ad Valvas Basilicarum
Sancti Ioannis Lateranensis, Principis Apostolorum de Vr-
be, & in Acie Campi Floræ, vt moris est per me Brandi-
marthem Latinum Apostolicum Cursorem.

Octavianus Spada Mag. Curs.

HE

Sancti

GREGORII XV:

*Constitutio, reuocans omnes, & singulas
licentias legendi, & habendi
libros prohibitos.*

GREGORIVS PAPA XV.

Ad futuram rei memoriam.



Postolatus officium Nobis, nullo licet me-
ritorum suffragio, diuina prouidentia com-
missum postulat, vt ad ea vigilantia no-
stra partes propensius intendamus, per
qua religio Catholica, vbi diuina gratia illaesa vi-
get, conseruetur, & vbi restitutione indiget, resti-
tuatur. Quapropter cum librorum prohibitorum
lectio magno esse sincerę fidei cultoribus detri-
mento noscatur, & sicut accepimus, licentia libros hu-
iusmodi legendi nimis exercuerint; Nos, vt huic
malo maturę occurratur, & imposterum quam cau-
tissimę licentia huiusmodi concedantur, quantum
cum Domino possumus prouidere volentes, Motu
proprio, & ex certa scientia, ac matura delibera-
tione nostris, deque Apostolica potestati plenitu-
dine, omnes, & singulas licentias legendi, & ha-
bendi libros quoscumque ob hæresim, vel falsi dog-
matis suspicionem, vel aliã quomodolibet prohi-
bitos, quibuscumque personis cuiuscumque gradus,
& conditionis existentibus, etiam per litteras Apo-
stolicas ad tempus, seu ad vitam, & aliter quomo-
docun-

docunque, & ex quacunque causa tam per literas in
forma Breuis, quam aliter quomodocunq; a Nobis,
seu Prædecessoribus nostris Rom. Pontif. seu ab ha-
bentibus a Nobis, vel ab eis facultatem, & auctori-
tem concessas, earum tenorem præsentibus pro expres-
sis habentes, tenore præsentium, reuocamus, cassa-
mus, & annullamus, ac pro reuocatis, cassis, & annul-
latis haberi, nullique in posterum suffragari, quini-
mo libros per licentias huiusmodi permisos legen-
tes, aut habentes pœnas in sacris Canonibus, Con-
stitutionibus Apostolicis, & Indicibus librorum
prohibitorum contentas incurrere volumus, & de-
claramus. Decernentes, vt præsentis literæ, post-
quam in Valuis Basilicarum S. Io. Lateranen. ac Prin-
cipis Apostolorum de Vrbe, & Cancellariæ Aposto-
licæ, necnon in Acie Campi Floræ affixæ fuerint, in-
fra duos menses ex tunc proximos, omnes, & sin-
gulos ad quos spectat, ardeant, & afficiant, perin-
de ac si vnicuique personaliter intimata fuissent,
quodque dictis duobus mensibus durantibus ij, qui
libros prohibitos huiusmodi habuerint, eos ad Epi-
scopum, seu Inquisitorem, qui illos quanto citius
comburare debeat, deferre, quinve aliquos similes
libros prohibitos habere sciuerint, eos denuncia-
re teneantur, neque de cetero similes licentiæ, nisi a
Congregatione Sancti Officij, quæ singulis hebdo-
madis coram Nobis haberi solet, concedantur, ac
quod earundem præsentium transumptis etiam im-
pressis manu alicuius Notarij publici subscriptis,
& sigillo alicuius personæ in dignitate Ecclesiastica
constitutæ munitis, eadem prorsus fides adhibea-
tur, quæ ipsis præsentibus adhiberetur, si forent ex-
hibitæ, vel ostensæ.

Datum Romæ apud S. Petrum sub annulo Pis-
catoris

H h a

atoris die xxx. Decembris MDCXXIII. Pontificatus Nostri Anno Secundo.

S. Card. S. Susanæ.

Anno à Natiuitate D. N. Iesu Christi, millesimo sexcentesimo vigesimotertio, Indictionesexta, die verò secunda mensis Ianuarij, Pontificatus Sanctissimi in Christo Patris, & D. N. D. Gregorij diuina prouidentia Papæ X V. Anno eius secundo, Retroscriptæ literæ Apostolicæ affixæ fuerunt ad valuas Basilicarum Sancti Ioannis Lateranensi. & Principis Apostolorum de Vrbe, ac Cancellariæ Apostolicæ, nec non in acie Campi Floræ, vt moris est per me Brandimartem Latinum Apostolicum Cursorem.

Octavius Spada Mag. Curs.

S. D. N. D. GREG. PAPA XV.

*Constitutio aduersus Maleficia, seu
Sortilegia committentes.*

GREGORIVS PAPA XV.

Ad perpetuam rei memoriam.



mnipotentis Dei Saluatoris nostri, qui vt hominem à laqueis Diaboli liberaret, Crucem subire dignatus est, vices, quamquam immeriti, gerentes in terris, in id summo studio, iuxta creditum

Nobis desuper Apostolicæ seruitutis officium, in-

cum-

cumbimus, vt gregem Dominicum, inastimabili pretio redemptum, aduersus Sathanæ fraudes defendamus, eiusdem officij partes desuper interponendo, prout conspiciamus in Domino salubriter expedire. Sanè nonnulli suæ conditionis obliti, & solemnissimæ sponsonis ab ijs factæ, cum in Christi gregem per Sacrum regenerationis lauacrum adsciti fuerunt, Sathanæ, cui renunciantur, artibus, maleficijs, superstitionibus, ac nefarijs inuentis operam dare non verentur, quinimo Magistrum imitantes, qui capitali odio, quo humanum genus prosequitur, hominibus insidiari nunquam cessat, proximum varijs modis lædere, animas verò suas perdere, non timent. Quapropter, vt tam exitiosa scelera à Christifidelibus arceantur, grauioribus pœnis vindicanda duximus. Motu itaque proprio, & ex certa scientia, ac matura deliberatione nostris, deque Apostolicæ potestatis plenitudine, tenore præsentium decernimus, præcipimus, & mandamus, vt constito, quòd aliquis pactum cum Diabolo fecerit, & à fide apostatando, maleficijs, siue sortillegijs vnâ, seu plures personas ita læserit, vt ex maleficio, vel sortilegio mors secuta sit, etiam pro primo lapsu, Curiaë sæculari tradatur, debitis pœnis puniendus; Qui verò, similiter apostatando, pactum cum Diabolo, vt præfertur fecerit, & maleficium, seu sortilegium commiserit, ex quo, licet mors secuta non sit, infirmitas tamen, diuortia, impotentia generandi, siue animalibus; frugibus, vel alijs fructibus damnum notabile prouenerit. muro claudi, siue perpetuis carceribus in Sancto Inquisitionis officio, vbi illud existit, fabricandis, mancipari debeat: Qui verò similium delinquentium notitiam habuerint, eos Episcopo, siue In-

quilitori denunciare teneantur. Non obstantibus constitutionibus, & ordinationibus Apostolicis, ceterisque contrarijs quibuscunque. Volamus autem, quod presentium transumptis, etiam impressis, manu alicuius Notarij publici subscriptis, & sigillo alicuius personæ in dignitate Ecclesiastica constitutæ munitis eadem prorsus fides ubique adhibeatur, quæ eisdem presentibus adhiberetur, si forent exhibitæ, vel ostensæ; quodque eadem presentes, postquam in valuis Basilicarum Sancti Ioannis Lateranensis, ac Principis Apostolorum de Vrbe, & Cancellariæ Apostolicæ, necnon in acie Campi Floræ affixæ fuerint, omnes, & singulos, ad quos spectat, arceant, & afficiant, perinde ac si unicuique personaliter intimatæ fuissent. Datum Romæ apud S. Petrum sub Annulo Piscatoris, die 20. Martij 1623. Pontificatus nostri Anno Tertio.

S. CARD. S. SVSANNÆ.

Anno à Natiuitate D. N. IESV CHRISTI millesimo sexcentesimo vigesimotertio, indictione sexta, die vero vigesimatertia mensis Martij, Pontificatus Sanctiss. D. N. D. GREGORII Diuina prouidentia Papæ XV. Anno eius tertio, retrospectæ litteræ Apostolicæ affixæ, & publicatæ fuerunt ad valuas Basilicarum Sancti Ioannis Lateranensium. Principis Apostolorum de Vrbe, Cancellariæ Apostolicæ, & in Acie Campi Floræ, per me Bernardinum Brandimartem Latinum Apostolicum Cursorem &c.

FEDE-

479

FEDERICVS

*Miseratione diuina, Tit. S. Maria
Angelorum, S. R. E. Presby-
ter Cardinalis Borromæus,
S. E. Mediol. Archiep.*

MA VENDO Noi riceuto vna lettera
dell' Illustrissimo Sig. Cardinale Millino,
insieme con vn Decreto della Sacra Con-
gregatione della Santa Inquisitione di Ro-
ma, l'vn', e l'altro del tenor seguente.

Illustrissimo, & Reuerendissimo Sig. mio
offeruandissimo.

LA licenza di molti troppo auanti trascor-
sa nel culto, & veneratione di persone
morte con fama di Martirio, & Santità,
prima che della vita, & attioni loro, ne
sia conforme alla dispositione de Sacri Canonj pre-
sa informatione, & decretatoli honore di Santo, ò
di Beato, hà data occasione alla Santità di N. S.
di porui freno con vn Decreto generale stabilito
nella Congregatione del Sant'Officio, ne rimetto,
a V. S. Illustrissima con questa gli esemplari, acciò
vno si compiaccia publicarlo in cotesta sua Dioce-
se, & de gli altri ne mandi vno à ciascun suo Vesco-
uo suffraganeo con la copia della presente lettera,

Hh 4 acciò

acciò se ne procuri inuiolabilmente l'osservanza; procedendo in simili occasioni nella forma prescritta, & castigando chi vorrà contrauenire secondo la dispositione del presente Decreto. Et à V. S. Illustrissima per fine humilissimamente bacio le mani. Di Roma li 26. d'Aprile 1625.
Di V. S. Illustrissima Reuerendissima

Humilis. & affectionatis. seruitore
il Cardinale Millino.

Feria v. Die 13. Martij Anno à Natiuitate D. N. I E S V Christi 1625.

In Generali Congregatione S. Romanae, & Vniuersalis Inquisitionis habita in Palatio Apostolico in Vaticano coram S. D. N. D. Urbano Diuina prouidentia Papa V I I I. ac Illustriss. & Reuerendiss. DD. S. R. E. Cardinalibus, aduersus hæreticam prauitatem Inquisitoribus Generalibus à S. Sede Apostolica specialiter deputatis.



Sanctiss. D. N. sollicitè animaduertens abusus, qui irreplerunt, & quotidie irrepere non cessant in collendis quibusdam cum Sanctitatis, aut martyrij fama, vel opinione defunctis, qui, etsi neque Canonizationis, neque Beatificationis honore insigniti, sint ab Apostolica Sede, eorum tamen

Ima

Imagines in Oratorijs, atque Ecclesijs, alijsque locis publicis, ac etiam priuatis cum laureolis, aut radijs, seu splendoribus proponuntur, miracula, & reuelationes, aliaque beneficia, à Deo per eorum intercessionem adeptæ, in libris rerum ab ipsis gestarum enarrantur, & ad illorum sepulcra, tabellæ, imagines, & res aliæ ad beneficia accepta testificanda, & lampades, & alia lumina apponuntur. Volensque proinde huiusmodi abusibus, pro debito Officij Pastoralis, occurrere, re etiam cum Illustriss. & Reuerendis. DD. Cardinalibus, contra hæreticam prauitatem in Vniuersa Republica Christiana Generalibus Inquisitoribus communicata, & maturè considerata, ac discussa, declarauit, statuit, & decreuit, ne quorumuis hominum, cum Sanctitatis, seu martyrij fama (quantacunque illa sit) defunctorum imagines, aliaque prædicta, & quodcunque aliud, venerationem, & cultum præferens & indicans, in Oratorijs, aut locis publicis, seu priuatis, vel Ecclesijs tam sæcularibus, quam regularibus, cuiuscumque Religionis, Ordinis, Instituti, Congregationis, aut Societatis apponantur, antequam ab Apostolica Sede Canonizentur, aut Beati declarentur, & (si quæ appositæ sunt) amoueantur, prout eas statim amoueri mandauit.

Ac pariter imprimi de cætero inibuit libros eorundem hominum, qui Sanctitatis, suæ Martirij fama, vel opinione (vt præfertur) celebres è vita migrauerint, gestæ, miracula, vel reuelationes, seu quæcunque beneficia tanquam eorum intercessionibus à Deo accepta continentes, sine recognitione, atque approbatione Ordinarij, qui in ijs recognoscendis, Theologos, aliosque pios, ac doctos viros in consilium adhibeat, & ne deinde fraus,

aut

aut error, aut aliquid notum, ac inordinatum in retam graui committatur, negotium instructum ad Sedem Apostolicam transmittat, eiusdem responsum expectet: Reuelationes verò, & miracula, aliaque beneficia supradicta, quæ in libris, horum hominum vitam, & gesta continentibus, hætenus sine recognitione, atque approbatione huiusmodi, impressa sunt, nullo modo approbata censerit vult, mandatque Sua Sanctitas.

Ad horum hominum sepulcra, vetuit etiam, ac inhiuit, tabellas, atque Imagines, ex cerra, aut argento, seu ex alia quacunque materia tam pictas, quam fictas, atque exculptas appendi, aut affigi, & lampades, siue alia quæcunque lumina accendi sine recognitione ab Ordinario omnino, prout supra, facienda, Sedique Apostolicæ referenda, ac probanda.

Declarans, quod per suprascripta, præiudicare in aliquo non vult, neque intendit ijs, qui aut per communem Ecclesiæ consensum, vel immemorabilem temporis cursum, aut per Patrum, virorumque Sanctorum scripta, vel longissimi temporis scientia, ac tolerantia Sedis Apostolicæ, vel Ordinarij coluntur.

Vt autem præmissa diligentius obseruentur, Vniuersis, ac singulis tam Ordinarijs, quam hæreticæ prauitatis Inquisitoribus districtè præcipit, vt in sua quisque Diœcesi, vel Prouincia sedulo peruigilent, ne sine approbationibus prædictis, Imagines cum memoratis signis exponantur, aut miracula, reuelationes, ac beneficia, prædicta publicentur, aliaue contra superius disposita fiant, transgressores verò, si Regulares fuerint, priuationis suorum officiorum, ac vocis actiue, & passiuæ, necnon & suspen-

suspensionis à diuinis, si vero Clerici sæculares, priuationis pariter suorum officiorum, suspensionis à diuinis, & ab administratione Sacramentorum, executioneque suorum ordinum respectiuè, alijsq; arbitrio prædictorum Ordinariorum, seu Inquisitorum pro modo culpæ infligendis pœnis plectendo. Qui autem libros impresserint, aut Imagines pinxerint, sculperint, seu quoquomodo effinxerint, vel formauerint, cæterique Artifices circa præmissa qualitercunque delinquentes, prædicta omnia amittant, & insuper pecuniarijs, alijsq; etiam corporalibus pœnis, iuxta criminis grauitatem, eorundem Ordinariorum, seu Inquisitoribus arbitrio afficiantur. Contrarijs quibuscunque non obstantibus.

Et ne præmissorum ignorantia possit ab aliquo prætendi, voluit, vt decretum huiusmodi, seu illius exemplum ad Valuas Basilicę Principis Apostolorū Urbis, ac in Acie Campi Floræ affixum omnes perinde arctet, atque afficiat, ac si vnicuique personaliter intimatum fuisset; quodq; præsentiu transumptis etiam impressis manu Notarij publici subscriptis, ac sigillo alicuius personæ in Ecclesiastica dignitate constitutæ munitis, eadem prorsus fides habeatur, quæ præsentibus haberetur, si forent exhibitæ, vel ostensæ.

*Io. Ant. Thomasius Sanctæ Romanæ, &
vniuersalis Inquisitionis Not.*

Anno Millesimo, sexcentesimo, vigesimo quinto, Indictione viij. Pontificatus Sanctissimi D. N. D. V R B A N I Diuina prouidentia Papæ V I I I. anno eius secundo, die verò quarta mensis Aprilis,
Supra-

Supradictum Decretum affixum, & publicatum fuit ad Valvas Basilicæ Principis Apostolorum de Vrbe, & in Acie Campi Floræ, vt moris est, per me Brandimarrem Latinum S. D. N. Papæ Curs.

Octavius Spada Mag. Curs.

M O R A per essequire quanto ci vien ordinato, Commandiamò, che il presente Decreto si publichi nella Chiesa Metropolitana, & nelle Chiese Parochiali, & si affigga alle porte, & ne gl'altri luoghi della Città, secondo il solito. Per la'qual'affissione s'intenda talmente ciascuno artato, come se le fosse detto Decreto intimato personalmente.

Dal Palazzo nostro Archiepiscopale di Milano
alli 16. Maggio 1625.

Fed. Card. Borr. Archiep.

*Ludouicus Barbauaria Can. Ord.
& Cancell. Archiepisc.*

V. V. V. V. V.

*Illustriſſimorum, & Reuerendiſſimorum DD. Cardinalium
Inquiſitorum Generalium.*

P R Æ C E P T V M

*De Hæreticis, ſeu de hæreſi ſuſpectis S.
Officio propalandis.*



OCTAVIUS Episcopus Prænestinus
Bandinus, Carolus Tit. S. Cæsarei Ma-
drutius, Io. Garcia Tit. SS. Quatuor
Coronatorum Millinus, Fabricius Ti-
tuli S. Augustini Verallus, Gaspar Titul. S. Cru-
cis in Hierusalem Borgia, Fr. Felix Centinus Tit.
S. Anastasiæ Asculanus, Scipio Cobellutius Tit. S.
Sufannæ, Fr. Desiderius Scaglia Tit. S. Clemen-
tis de Cremona, Ludouicus Tit. S. Laurentij in Da-
maso Ludouisus Presbyteri, & Ludouicus S. Adria-
ni Diaconus de Latuallette nuncupati miseratione
Diuina S. R. E. Cardinales in vniuersa Republica
Christiana aduersus hæreticam prauitatem Inqui-
sitores Generales à Sancta Sede Apostolica specia-
liter deputati.

Vniuersis, & singulis Christifidelibus, tam Eccle-
siasticis, quam secularibus vtriusque sexus, cuiusuis
status, gradus, ordinis, conditionis, & præemi-
nentia existantibus, & quacunque dignitate, & au-
toritate, etiam maxima fulgentibus, harum serie,
ac tenore auctoritate nostra, & huiusmodi nostræ
officij, qua fugimur in hac parte, præcipimus, &
mandamus, quatenus infra duodecim dies proxi-
mè computandos, quorum primos quatuor, pro
primo, & reliquos quatuor primis quatuor imme-
diatos pro secundo, & vltimos quatuor pro tertio

cess.

termino, & peremptorio, ac trina monitione canonica assignamus, omnes, & singulos Hæreticos, seu de hæresi quomodolibet suspectos, de quibus notitiam habuerint, debeant Nobis, vel Reu. Commissario nostro, quoad habitantes in Vrbe, quo verò ad alios extra Urbem, & vbiuis locorum degentes, Inquisitoribus, vel locorum Ordinarijs, vel eorum Vicarijs generalibus, sub excommunicationis maioris latæ sententiæ pœna, quam in contrarium facientes ipso facto incurrant, iudicialiter propalare, cuius excommunicationis maioris absolutionem S. D. N. Papæ, & Nobis reseruamus. Certificantes huiusmodi conscientia suæ immemores, ac dictam excommunicationis pœnam contemnentes, quòd contra ipsos, tanquam contra hæreticorum fautores, alias, prout melius visum, & iuris fuerit procedetur. Ideò &c. Dat. in nostra, & Officij Sanctæ Romanæ Vniuersalis Inquisitionis Congregatione, die iij. Ianuarij 1623.

Oct. Episc. Prænestiñ. Card. Bandinus.

C. Card. Madrutius.

Io. Garzia Card. Millinus.

F. Card. Verallus.

G. Card. Borgia.

Fr. Felix Card. Asculanus.

S. Card. S. Susannæ.

Fr. D. Card. de Cremona.

L. Card. Ludouisius.

L. Card. de Lauallete.

*Andreas de Pettinis S. Romana, &
vniuersalis Inquisit. Not.*

BULLA

B V L L A

INNOCENTII VIII.

*Ædita anno Domini 1486. ex.**Pegna in fine Directorij.*

INNOCENTIUS PAPA VIII

*Venerabili Fratri nostro Episcopo Brixiensi, & dilecto filio Inquisitori hæreticæ prauitatis in partibus Lombardiæ.**Sententias ab Inquisitoribus latas contra hæreticos impenitentes, seu alio brachio seculari traditos, Magistratus seculares sub pœna excommunicationis, quam ipso facto incurrunt, exequi debent, absque reuisione processuum per Inquisitores fabricatorum contra tales hæreticos.***V**enerabilis Frater, & dilecte fili, Salutem & Apostolicam benedictionem.

Dilectus filius frater Antonius de Brixia Ordinis Prædicatorum, in partibus Lombardiæ Inquisitor hæreticæ prauitatis, vna cū venerabili fratre Episcopo Brixienti, seu eius Vicario Generali, sicuti nobis nuper fecit exponi contra nonnullos vtriusq; sexus hæreticos (vt accepimus) quos culpabiles vt hæreticos impenitentes repositos, pœna debita iuris puniendos condemnauit ;

ac

ac officiales Ciuitatis Brixienſis, vt iniunctam executionem adimplerent, requiſſi: qui officiales iuſtitiam miniſtrare, & dictas ſententias exequi, (niſi prius proceſſus per Episcopum, & Inquiſitorem agitados non viderent) in non paruum Orthodoxæ fidei ſcandalum recuſatur. At cum huiusmodi crimen hæreſis ſit mere Eccleſiaſticum, & delicta nullo pacto impunita remanere debeant; tenore præſentium vobis committimus, atque mandamus, vt ſi eſt ita, eiſdem officialibus ſæcularibus Ciuitatis Brixienſis, ſub excommunicationis pœna, & alijs cœſuris Eccleſiaſticis, præcipiatis, atque manderis; vt infra ſex dies. † poſtquam legitime fuerint requiſiti, ſine aliqua dictorum proceſſuum, per vos agitatorum viſione ſententias per vos latas contra huiusmodi hæreticos promptè exequantur appellacione remota. Quam excommunicationis pœnam ipſo facto volumus, & tenore præſentium declaramus incurriſſe: ſi quod mandatum fuerit infra dictum ſex dierum ſpatium, ceſſante legitimo impedimento, cum effectu non impleuerint. Conſtitutionibus, & ordinationibus Apoſtolicis, ſtatutis Ciuitatis Brixienſis, cæterisque in contrarium facientibus non obſtantibus quibuſcunque, Dat. Romæ apud Sanctum Petrum, ſub annulo Piſcatoris, die trigeſimo Septembris, Miſeſimo quadringenteſimo octuageſimo ſexto, Pontificatus noſtri Anno Tertio.

Hieronymus Balbanus;

FINIS.